

靖鈴水入焉水出靖鈴縣西東迤其縣下縣以氏
焉有石猪圻長谷中有石猪子母數千頭長老傳
言夷昔牧此一朝化為石迄今夷人不敢往牧貪
水出焉靖鈴水又東注于澠水繩水又迤三絳縣
西又迤姑澠縣北對三絳縣澠水注之三絳一曰
小會無故經曰淹至會無注若水水又與毋血水
合水出益州即美揀縣東農出毋血谷北流迤三
絳縣南北入繩繩水又東涂水注之水出於建寧
郡之牧靡縣南山縣山竝即岬以立名山在縣東
北焉句山南五百里山生牧靡可以解毒百世方
盛鳥多誤食鳥喙口中毒必急飛往牧靡山喙牧

靡以解毒也涂水導源曠谷西北流至越雋入繩
繩水又迤越雋郡之馬湖縣謂之馬湖江又左合
卑水縣而東流注馬湖江也

又東北至捷焉朱提縣西瀘江水

朱提山名也應劭曰在縣西南以氏焉捷焉屬國
也在郡南于八百許里建安二十年立朱提郡即
治縣故城即西南二百里得所館瑯縣西北行
上高山羊腸繩屈八十餘里或攀木而升或繩索
相牽而上緣涉者若將階天故袁休明巴蜀去云
高山嵯峨巖石磊落傾倒縈迴下臨峭壑行者扳
緣牽援繩索三蜀之人及南中諸郡以為至險者

瀘津東去縣八十里水廣六七百步深十數丈多
瘴氣鮮有行者晉明帝太寧二年李驤等侵越雋
攻臺登縣寧州刺史王遜遣將軍姚岳擊之戰于
臺琅驤軍大敗岳追之至瀘水赴水死者千餘人
遜以岳等不窮追怒甚髮上冲冠恰裂而卒紫水
昌即有蘭倉水出西南博南縣漢明帝永平十二
年置博南山名也縣以氏之其水東北流出博南
山漢武帝時通博南山道渡蘭倉津土地絕遠行
者苦之歌曰漢德廣開不賓渡博南越倉津渡蘭
倉為作人山高四十里蘭倉水出金沙越人收以
為黃金又有光珠穴穴出光珠又有琥珀珊瑚黃

白青珠也蘭倉水又東北逕不常縣與類水合水
出雋唐縣漢武帝置類水西南流曲折又北流東
至不常縣注蘭倉水又東與禁水合水亦永昌縣
而北逕其即西水左右甚饒犀象山有鈎蛇長七
八丈尾末有歧蛇在山澗水中以尾鈎岸上人牛
食之此水傍瘴氣特惡氣中有物不見其形其作
有聲中水則折中人則害名曰鬼彈惟十一月十
二月差可渡正月至十月逕之無不害人故即有
罪人從之禁防不過十日皆死也禁水又北注瀘
津水又東逕不常縣北而東北流兩岸皆高山數
百丈瀘霈最為高秀孤高三十餘丈其山於晉水

康中崩震動即邑水之左右馬步之徑裁通而特
有瘴氣三月四月迄之必死非此時猶令人悶吐
五月以後行者差得無害故諸葛亮表言五月渡
瀘并日而食臣非不自惜也頭王業不可偏全於
蜀故也益州記曰瀘水源出曲羅田下三百始曰
瀘水兩峯有殺氣暑月舊不行故武侯以夏渡為
最瀘水又下合諸侯水而愬其日焉故有瀘江之名
矣自朱提至夔道有水步道有黑水羊官水至嶮
雞三津之咀行者苦之故俗謂之語曰尤溪亦木
盤蛇七曲盤羊鳥擺氣與天通者都渡泚住柱呼
尹康滄賈子老擔七里又有牛叩頭馬搏頰坂其

眼嶮如此也

又東北至夔道縣入于江
若水至夔道又謂之馬湖江繩水瀘水孫水淹水
大渡水隨決入而納通稱是以諸書錄記辟水或
言入若又言注繩亦咸言至夔道入江正是異水
松江注通為一津更無別川可以當之水有孝子石
昔縣人有隗村通者性至孝為母給江督水天為
出卒石至江督中今猶謂之孝子石可謂至誠發
中而休應自天矣
涿水出廣柔徼水

縣有石紐鄉禹所生也今夷人共營之地方百里

不敢居牧有罪遊野捕之者不逼能藏三年不為
人得則共原之言大禹之神所佑之也

東南過旄牛縣北又東至越雋靈道縣出蒙山南
靈道縣一名靈關道漢制夷狄曰道縣有銅山山
人有劉慈者大始九年黃龍二見於慈池縣令董
玄之率吏民觀之以白刺史王濬濬表上之晉朝
以護龍縣也沫水出岷山西東流過漢嘉郡南流
衝一高山山上合下開水逆其間山即蒙山也

東北與青衣水合
華陽國記曰二水於漢嘉青衣縣東合為一川自
下亦謂之為青衣水水又東逆開邦縣故平鄉也

晉初置沫水又東逆臨邛南而東出子江原縣也
東入于江

昔沫水自蒙山至安南而涸崖水脉漂疾故宮丹
船歷伐為患蜀郡太守李冰發卒鑿平涸崖河神
鼻怒水乃操刀入水與神閉遂平涸崖通正水路
開也即水所穿也

延江水出捷為南廣縣又東至犍犍縣東屈北流
犍縣故捷為郡治也縣有捷山晉建興元年置平
夷即縣有犍水出犍邑西下狼山東與溫水合溫
水一曰煖水出捷為符縣而南入犍水犍水亦出符縣
南與溫水會闕駟謂之闕水俱南入犍水犍水於

其縣而東注于延水延水又與漢水合出捷為漢
陽道王莽之新通也山關谷東至覽邑入延江水也
至巴郡涪陵縣注更始水曰下更始水即延江枝分之始也延水北入涪陵水涪
陵水出縣東故邑即之南鄙王莽更名巴亭魏武
分邑立為涪陵即張堪為縣會公孫述擊堪同心
義士選習水者筏渡堪於小別江即此水也其水
北至枳縣入江更始水東入邑東之南浦縣其水
東注引瀆水石門空岫陰深邃澗閣密傾崖上合恒
東有落勢行旅避瘴時有暹之処無不危心於其下
又謂之西鄉水亦謂之西鄉溪溪水間關二百許

里方得出山又通波注遠復二百余里東南入延
陵縣也亦言又東南至武陵西陽縣入于酉水山東武
陵先賢傳曰潘京世長為郡主簿太守趙偉甚
器之問京貴即何以名武陵京答曰鄙郡本名義
陵在辰陽縣界與夷相接數為所破光武時移治
東山之上遂爾易號傳曰止戈為武詩云高平曰
陵於是名焉酉水北岸有黠陽縣許慎曰溫水南
入黠蓋覽水以下津流注之通稱也故縣受名
焉西鄉溪口在延陵縣故城上五十里左合酉水
酉水又東際其故城北又東迤酉陽故縣南而東

出也兩縣相去水道可四百許里於酉陽台也
酉水東南至沅陵縣入子沅
存水出捷為郁郇縣
王莽之孱郇也益州大姓雍闓反結壘於山擊馬
柳柱柱生成林今夷人名曰雍無梁林梁夷言馬
也周水自縣東南流逕牧靡縣北又東逕且蘭縣
北而東南出也
東南至鬱林定周縣為周水
又周水又東逕牂牁即之無斂縣北而東南與無斂
水合矣水首受牂牁水東逕無斂縣為無斂縣又
東注于存水存水又東逕鬱林定周縣為周水蓋

水變名也

又東北至潭中縣注于潭
溫水出牂牁夜郎縣

縣故夜郎侯國也唐蒙開以為縣王莽名曰同亭

矣溫水自縣西北流逕談臺與迷水合水西出益

州即之銅潁縣談虜山東逕談臺縣右注溫水溫水

又西逕昆澤縣南又逕味縣縣故滇國都也諸葛

亮討平南中劉禪建興元年分益州即置建寧即

於此水側皆是高山山水之間悉是大耳夷居語
言不同嗜欲亦異雖曰山居士處平和而無瘴毒

溫水又西南逕滇池於西北流周三百許里上源

深廣下流淺狹似如倒池故曰顛池也長老傳下
流淺言池中有神馬家馬文之則生駿駒日行五
百里晉太元十四年寧州刺史費統言晉寧郡滇
池縣有神馬一白一黑盤戲河水之上有滇州亢
封三年立益郡治滇城劉禪晉寧郡治也溫水又
西會水澤與葉榆僕水合溫水又東南迤犉犉之
無單縣建興中劉禪割屬建寧郡橋水注之水上
承俞亢之南池縣治龍池洲周四十七里一名河
水與邗龍分浦後立河陽郡治河陽縣縣在河源
州上又有雲乎縣並在州中橋水東流無單縣注
于溫溫水又東南與古即之無掇縣東王莽更名

有掇也與南橋水出縣之橋山東流梁水注之梁
水上承河水於俞元縣而東南迤興古之勝休縣
王莽更名勝蕤縣梁水又東迤無掇縣左注橋水
橋水又東注于溫溫水又東南迤律高縣南劉禪
建興三年分犉犉置興古治宛溫縣晉書地道記
曰治此溫水又東南迤梁水即南溫水上合梁水故
自下通得梁水之稱是以劉禪分興古之盤南置
郡於梁水縣也溫東南迤鐔封縣北又迤來唯縣
東而僕水右出焉
又東至鬱林廣鬱縣為鬱水
秦桂林郡也漢武帝元鼎六年更名鬱林郡王莽

以為鬱平即笑應劭地理風俗記曰周禮鬱人堂
裸器凡祭醜賓客之裸事和鬱鬯以實樽彝鬱芳
草也百草之華煮以合釀黑黍以降神者也或說
今鬱金香是也一日鬱人所貢因氏即笑溫水又
東廷增食縣有文象水注之其水導源犴犴句町
縣應劭曰故句町國也王莽以為浚化文象水象
水與盧唯水來細水伐水並自縣東歷黃鬱至增
食縣住于鬱水也

又東至領方縣東與斤南水合
縣有朱主水出臨塵縣東北流驢水注之水源源
承犴犴水東廷增食縣而下注朱主水朱主水又

東北廷臨塵縣王莽之監塵也縣有斤南水侵蘿
水並廷臨塵東入領方縣流注鬱水
東北入于鬱

鬱水即夜郎豚水也漢武帝時有竹王興於豚水
有一女子浣於水濱有三節大竹流入女子是間
推之不去聞有聲持破之得一男兒遂雄夷濮氏
竹為姓所損破竹於野成林王祠竹林是也王膏
從人止大石上命作羨從者曰無水正以劍擊石
出水今竹王水是也後唐蒙開犴犴斬竹王首夷
獠咸怨以竹王非血氣所生永為立祠帝封三子
為侯及死配父廟今竹王三郎祠其神也豚水東

北流逕談稿縣東逕牂牁郡且蘭縣謂之牂牁水
水廣教里縣臨江上故且蘭侯國也一名頭蘭牂
牁即治也楚將莊蹻所沅沅伐夜郎牂牁郡因
名且蘭為牂牁矣漢武帝元鼎六年開王莽更名
同亭在柱浦關牂牁亦江中西山名也左思吳都
賦云吐浪牂牁者也元鼎五年武帝伐南越發夜
郎精兵下牂牁江同會番禺是也牂牁水又東南
逕毋斂縣西毋斂水出焉又東驩水出焉又逕鬱
林廣鬱縣為鬱水又東北逕領方縣北又東逕布
山縣北鬱林即治也吳陸績謂子績曰從今以後
六十年車同軌書同文至太康元年晉果平吳又

逕中留縣南與溫水合又東入何林縣潭水注
水出武陵郡潭城縣王山東流逕鬱林郡潭水縣
周水自西南來注之潭水又東南流與剛水合水
西出牂牁毋斂縣王莽之有斂也東至潭中入潭
潭水又逕中留縣東入林縣西右入鬱水地理志
曰橋水東至中留入潭又云領方縣而有橋水余
詆其川流更無殊津正是橋溫亂流故兼通稱作
者咸言至中流入潭潭水又得鬱之兼稱而字當
為南南橋水也蓋書字誤矣鬱水右則留水注之
水南出布山縣下逕中留入潭潭水東逕何林縣
又東逕猛陸縣浪水注之又東逕蒼梧廣信縣離

水注之鬱林又東封水注之出臨賀即馮乘縣西
謝沐縣東界牛屯山謂之臨賀東南流萌渚嶠西
又東南左合蒼水庾仲初云水出萌渚嶠南流入
于臨臨水又逕臨賀縣東又南至即左會賀水水
出東北與安縣西北有羅山東南流逕興安縣西
盛弘之荊州記云興安縣水邊有平石上有石履
言越王渡溪旣履於此賀水又西南流至臨賀即
東石注臨水即對二水之交會故即縣取名焉臨
水又西南流逕即南又西南逕封陽縣東為封溪
水故地理志曰縣在封水又西南流入廣信縣南
流注于鬱水謂之封溪水口者也鬱水又東逕高

要縣牢水注之牢水南出交州合浦即治合浦縣
漢武元鼎六年平越所置也王莽更名曰桓合縣
曰桓亭孫權黃武七年改曰珠官即不產穀多
採珠寶前政煩苛珠徒交趾會稽孟伯周為守有
惠化夫珠復還即統臨光縣王莽之大允也牢水
自縣北流逕高要縣入于鬱水鬱水南逕廣州南
海郡西浪水出焉又南右納西隨三水又南逕四
會浦水上承日南即盧容縣西古朗究浦內漕口
馬援所漕水東南屈曲通朗湖湖水承金山朗究
究水北流左會盧容壽冷二水盧容水出西南匯
粟城南高山山南長嶺連接天障嶺西廣容水湊

廛山繞西衛北而東迤廛粟城北又東右與壽冷水合水出壽冷縣界魏正始九年林邑進侵至壽冷縣以為界壘即此縣也廛粟城南長嶺東壽冷縣以水湊故水得其名廛山繞東迤廛粟故城南考古志並無廛粟之名應劭地理風俗記曰日南故秦象即漢武帝元鼎六年開日南郡治西捲縣林邑記曰城去林邑步道四百余里交州外城記曰從日南郡南去到林邑國四百餘里准迤相符然則城故西捲縣也地理志曰水入深有竹可為菽王莽更之曰日南亭林邑記曰其城治二水之間三方際山南北瞰水東西澗浦流湊城下城西

折十角周圍六里一百七十步東西度六百五十步博城二丈上起博牆一丈開方隙孔博上倚板板上五重層臺閣上架屋屋上架棲棲高者七八丈下者五六丈城開十三門凡殿南向屋宇二千一百餘間市民周居繞岨峭地險林邑故兵器戰具悉在粟區多城壘自林王胡達始秦餘徙民染同夷化日南舊風變易俱盡巢棲樹宿負郭接山榛棘蒲薄騰林拂雲幽烟冥緬非生人所安區粟建八尺表日影度南八寸自此景以南在日之南故以名即望北辰星落在天際日在北故開北戶以向日此其大較也范泰古今善言曰日南張重

舉計入落正且大會明帝問曰南郡北向視日也
重曰今郡有雲中金城者必不皆有其實日亦俱
出於東耳至於風氣暄暖日影仰當官民居止隨
情面向東西南北迴背無定人性西捍果於戰聞
便山習水不開平地古人去五嶺者天地以隔內
外况綿塗於海表傾九嶺而弥逸非復行路之途
咀信幽荒之冥域者矣壽冷水自城南東與盧容
水合東注朗究究水所積下潭為湖謂之狼湖浦
口有秦時象即墟域尤存自湖南望外通壽冷從
朗湖入四會漕元嘉二十年以林邑頑凶應代雅
化恃遠負眾慢威背德北宝臻南金關貢乃舍偏

時與龍驤將軍交州刺史檀和之陳兵日南脩文
眼遠二十三年楊旄從四會澧日入朗湖軍次匡
粟進逼園城以飛梯雲橋懸棲登壘鉦鼓天作虎
士雷怒風烈火揚城摧眾陷斬匡粟王范扶龍首
十五以上坑截無赦棲閣雨血填戶城觀自四會
南入得盧容浦口晉太康三年省日南部屬國都
尉以其所統盧容縣置日南郡及象林縣之故治晉
書地理記曰郡去盧容浦口二百里故秦象林即象林
縣治也永和五年征西桓溫遣督護膠峻率交會兵
伐范文於舊日南之盧容縣為文所敗即是地也
退次九真更治兵文板創死子佛代立士年峻與

交州刺史楊平復進軍壽令浦入頓朗討湖佛于
日南故治佛蟻聚連壘五十餘里峻平破之佛逃
寧川數遣大師面縛請罪軍門遣武東延勞佛子
與盟而還康泰扶南記曰從林邑至日南盧容浦
口可二百餘里從口南發往扶南諸國常從此口
出也故林邑記曰盡絃浪之微遠極流脈之無外
地濱滄海衆國洋廷鬱水南倉通壽冷即一浦也
浦上承交趾郡官都官塞浦林邑記曰浦通銅鼓
外越安定黃岡心口蓋籍度銅鼓即越駱也有銅
鼓因得其名馬援取其鼓以鑄銅馬至鑿口馬援
所鑿內通九真浦陽晉書地道記九德郡有浦陽

縣交州記曰鑿南塘者九真路之所經也去州五
百里建武十九年馬援所開林邑記曰外越紀粟
望柳紀粟出浦陽渡使州至典由度故縣至咸驩
咸驩屬九真咸驩已南麋鹿滿岡鳴咆命疇警嘴
昭野孔雀飛翔菽日籠山渡治口至九德按晉書
地道記有九德縣交州外城記曰九德縣屬九真
郡在郡之南與日南接蠻盧舉居其地死子室網
代孫黨眼從吳化定為九德郡又為隸之林邑記
曰九德九夷所極故以名郡即名所置周越裳氏
之夷國周禮九夷遠極越裳白雉象牙重九譯而
來自九德通類口水源從西北遠荒達寧州界來

也九德浦內逕越裳究九德究南凌究按書晉地
道記九德郡有南凌縣也置竺芝扶南記山溪瀨
中謂之究地理志曰郡有小水五十二并行大川
皆究之謂也林邑記曰義熙九年交趾太中杜慧
度造九真水日與林邑王范胡達戡禽斬胡達二
子虜獲百余人胡達限五月慧度自九真水歷都
粟浦復襲九真長圍跨山重柵斷浦驅象前鋒接
刃城下連日交戰傷殺乃退地理志曰九真郡漢
武帝元鼎六年開治晉浦縣王莽更之曰驩城也
晉書地理志曰九真郡有松原縣林邑記曰松原
以西烏馱馴良不知畏弓寡煩孤居散髮至老南

移之嶺嶂不喻仞倉庾懷春於其北翡翠熙景平
其南雖嚶謹接嚮城隔殊非獨步難遊俗姓塗分
故也自南凌究出于南界童進得橫山太和三年
范文侵交州於橫山分界度比景廟由門浦至古
戰灣吳赤烏十一年魏正始元年交州與休邑於
灣大戰初失區粟也渡盧容縣日南郡之屬縣也
自盧容縣至無恋越啼火至比景縣日中頭上影
當身下與景為比如淳曰故以比景名縣關駟曰
比讀蔭庇之庇影在已下言為身所庇也林邑曰
渡比景至朱吳朱吳縣浦今之封界朱吳以南有
文狼人野屈無室宅依樹止宿魚食生肉採香為

業與入交市若上皇之民矣縣南有文狼究下流
逕通晉書地通記曰朱吳縣屬日南郡去郡二百
里此縣民漢時不堪二千石長吏謂求引屈都乾
為國林邑記曰屈都夷也朱吳浦內通無勞湖無
勞究水通壽冷浦元嘉元年交州刺史沅彌之征
林邑楊邁出婚不在奮威將軍沅謙之領七千人
先襲區粟已過四會未入壽冷三日三夜無損止
延疑海直岸遇風大敗楊邁仍婚都部伍三百許
舡來相救援謙之遭風餘救船艦夜於壽冷浦裏
相遇闇中大戰謙之手射楊邁施工舡敗縱橫崑
崙卑舡接得楊邁弥之以昏溺之余制勝理唯自

此還渡壽冷至溫公浦升平三年溫放之征范佛
於灣分界陰陽圻入新羅灣至焉下一名阿賁浦
入彭龍灣隱避風波即臨邑之海邑元嘉二十三
年交州刺史檀和之破厓粟已飛於蓋海將指典
冲於彭龙灣工鬼塔與林邑大戰還渡典冲林邑
入浦令軍水進特重故也浦西即林邑都也治典
冲去海岸四十里处荒流之激表國越裳之疆南
秦漢象郡之象林縣也東濱滄海西際徐狼南接
林南北連九德後去象有林邑之號建国起自漢
末初乎之乱人懷異心象林功曹姓區有子名連
攻其縣殺令自號為王值世乱離林邑遂立後乃

襄代傳位子孫三國鼎爭未有所附吳有交土與
之隣接進侵壽冷以為疆界自臣連以後因無文
史失其纂代世教難詩宗亂滅絕無復種裔外孫
范熊代立人情樂推後熊死子逸立有范文曰南
西捲縣夷師維夷奴也文為奴昔山邊牧羊於澗
水中得兩鱧魚隱藏採歸規欲私食即知檢求文
大慙惧起託云將孺石還非為魚也即至魚所見
是兩石信之而去文始異之石有鐵文入山中就
石治鐵鍛作兩刀奉刃向鄣因呪曰鱧魚變化治
石成刀斫石鄣破者是有灵神文當治此為國君
王斫不入者是刀無神灵進斫石偉如危淵干將

之斬盧橐由是人情漸附今斫石尚在魚刀猶存
傳國子孫如斬蛇之劍也稚嘗使文遠行商賈比到
上國多所聞見以晉愍帝建興中南至林邑教王
范逸制造城池繕治戎鉀經始廓略王愛信之使
為將師能得中心文讒王諸子或奔王乃獨立成
帝咸和六年死無胤嗣文迎王子於外國海行之
水置毒柳子中飲而殺之遂脅國人自立為王取
前王妻妾置高樓上有從已者取而納之不復已
者絕其飲食而死江東舊事云范文本揚州人少
被掠為奴賣墮交州年十五六遇罪當得杖畏怖
因逃隨林邑賈人渡海遠去没入於王大彼幸愛

經十餘年王死文害王二子詐殺侯將自立為王
威加諸國或夷推灣許口食鼻飲或雕面鍍身肫
裸種漢魏流相親咸為其用建元二年攻曰南九德
九真百姓奔逆千里無烟乃還林邑西去廣
州二千五百里城西南角高山長嶺連接天鄣嶺
北接澗大源淮水出舸舫遠界三重長洲隱山繞
西衛北迴東其嶺南開澗小源淮水出松根界上
山空流隱山繞南油街迴東合淮流以注典冲其
城西南際山東北瞰水重塹流浦周繞城下東南
塹外因傍薄城東西橫長南北縱狹北邊西端迴
折曲入城周圍八里二百步博城二丈上起博牆

一丈開方濠孔上倚板板上層閣閣上架屋屋上
檣樓高者六七丈下者四五丈飛觀鳴尾迎風拂
雲緣山瞰水鷹翥鳧寧但制造壯拙稽古夷俗城
開四門東為前門當兩淮渚濱於曲路有古碑夷
書銘讚前王胡達之德西門當兩重塹北迴上山
山西即淮流也南門渡兩重塹對溫公壘升平二
年交州刺史溫放之殺交趾太守室別駕沅朗遂
征林邑水陸累戰佛保城自守重求請服听之今
林邑東城南五里有溫公二壘是也北門濱淮踞
浙不通城內小城周圍三百二十步合堂瓦殿南
壁不開兩頭長屋脊出南北南擬背曰西廡城內

石山順淮面陽開東向殿飛檐鴟尾青瑛丹堦
榭椽東多諸古法間殿上柱高城丈餘五牛屎為
墻殿青光迴度曲掖綺牖紫懸榭房媚媵無別官
觀路寢永巷共在殿上臨踞東軒迤與下詔子弟
臣侍皆不得上屋有五十余丘連甍接棟檐宇相
承神乾鬼塔小大八廟層臺重榭狀似佛剎郭無
布里邑寡人居海岸箒條非生民所延而首渠以
永安養國十世豈久存哉元嘉中檀和之征林邑
其王楊邁奉國夜奔竄山藪據其城邑收寶巨億
軍還之後楊邁涕國家國荒彌時人靡存疇睹前
辦憤絕復蘇即以元嘉二十三年死幼楊邁母懷

身夢人鋪楊邁金席與其兒落席上金光已起昭
晰艷曜華俗謂上金為紫磨金夷俗謂上金為楊
邁金父胡達死襲王位能得人情自以灵夢為國
祥慶其太子幼出咄後楊邁死咄年十九代立慕
先君之德復改曰楊邁昭穆二世父子共名知林
邑之將亡矣其城隍墮之外林棘荒蔓藁梗宜
滕藥等秀叅錯際天其中香桂成林氣清澄烟桂
父縣人也棲居此林服桂得通時禽異羽翔巢之
間関兼比翼鳥不比不飛鳥鳴歸飛鳴声自呼此
恋卿之思孔悲素梓之敬成俗也豫章俞益則性
氣剛直不下曲俗客身無所遠遠在南與韓康伯

書曰惟檟柳樹最南遊之可觀但性不啻霜不得
北植不遇長者之目令人恨深帝對飛鳥志士增
思寄意謂此鳥其背青其腸赤丹心外露鳴請未
達終日歸飛志不于干路餘萬里何由歸哉九真
太守任延始教畊犁格化交土風收象亦知耕以
耒六百餘年火耨畊藝法與華同名白田種白穀
七月火作十月登熟名赤田種赤穀十二月作四
月登熟所謂兩熟之稻也至於草更萌芽穀月代
種種桂早晚無月不秀耕耘功重收穀利輕熟速
故也米不舂散恒為豐國素黍年八熟蘭三都賦
所謂八蚕之綿者矣其小水崖暴疊常吐氣溜或

雪霏沙漲清寒無底分溪別壑津濟相通其水自
城東北角流水上懸起高橋渡淮北岸即彭龍雁
粟之通達也檀和之東橋大戟楊邁被創落象即
是處也其水又東南流逕舩官口舩官川原徐糧
舩夷皆裸身男以竹筒掩体女以樹葉蔽形舩名
狼隍所謂裸國者也雖習俗裸祖猶耻無蔽惟依
暝夜與人交市闇中饜全便知好惡明朝曉者皆
如其言自此外行得至扶南按竺芝扶南記曰扶
南去林邑四千水步通通檀和之今軍入邑浦據
官舩口城六里者也自舩官下注大浦之東大水
連行潮上西流潮水日夜長七八尺從此以西

朔望并潮一上七日水長丈六七八日之後日夜
分為再潮水長一二尺春夏秋冬厲然一浪高下
定度水無盈縮是為海運亦曰象水也又無象浦
之名晉功臣表所謂金溝清遠象渚澄源者也其
川浦渚有水虫跡微攢木食蛆教十日棟源潭湛
頓有鮮魚色黑身五丈頭如馬首伺人入水便未
為害山海經曰離耳國雕題國皆在鬱水南林邑
記曰漢置九郡儋耳預焉民好徒洗耳廣垂以為
端雅男女爽露不以為羞暑褻薄自使人黑積習
成常以黑為美雖騷所謂玄國矣然則儋耳即離
耳也王氏交廣春秋曰朱崖儋耳二郡與交州俱

水開皆漢武帝所置大海中南極之外對合浦徐聞
懸清朗無風之日遙望朱崖州如困廩大從徐聞
對渡北風卒帆一日一夜而至周迴二千餘里徑
度八百里人民可十萬餘家皆殊種異類被髮雕
身而女多姣好白皙長髮美鬢大羊相聚不服德
教儋耳先廢朱崖叛先帝以賈捐之議罷郡楊
氏南裔異物志曰儋耳俱在朱崖分為東蕃故山
海經曰在鬱水南也鬱水又南自壽冷縣注于海
昔馬文淵積在為塘達于象浦建金標為南極之
界俞益期賤曰馬文淵立兩銅柱於林邑岸北有
遺兵十餘家不反居壽冷岸南而对桐柱悉姓馬

自婚姻今有二百戶交州以其流寓號曰馬流言
語飲食尚與華同山川移易銅柱今復在海中正
賴此民以識故處也林邑記曰建武十九年馬援
樹兩銅柱於象林南界與西屠國分漢之南疆也
土人以此之流寓號曰馬流世稱漢子孫也山海經
曰鬱水出象郡而西南注南海入項度東南者也
應劭曰鬱水出廣信東入海言始或可終則非矣
水經卷第三十六

水經卷第三十七

淹水出越駕遂久縣激外葉榆水至縣夷水市郊熱油水
呂忱曰淹水一曰復水也
東南至靖餘縣
縣有禺同山其山神有金馬碧鷄光景儵忽民多
見之漢宣帝遣諫大夫王褒祭之欲置其雞馬褒
道病而卒是不果焉王褒碧雞頌曰敬移金精神
馬縹碧之雞故左大冲蜀都賦曰金馬騁光而絕

影碧鷄儵忽而耀儀

又東過姑復縣南東入于若

淹水逕縣之臨池降而東北逕雲南縣西東北注

宕水也

益水葉榆河出其縣北界屈從縣東北流

縣故滇池葉榆之國也漢武帝元封二年使唐蒙

封之以為益州郡郡有葉榆縣縣西北十里有吊

鳥山衆鳥千百為群其會嗚呼啁嘶每歲七八月

至十六七日則止一歲六至雉雀來吊夜然火伺

取之其無噍不食似特悲者以為義則不取也俗

言鷲登死於此山故衆鳥來吊因名曰吊鳥縣之

東有葉榆澤葉榆水所鍾而為此川藪也

縣故九隆哀牢之國也有牢山其先有煩人名沙

臺居于牢山捕魚水中觸沉水若有感因懷孕產

十子後沉水化為龍出水九子驚走小子不能去

背統而坐龍因托之其母鳥語謂背為九謂坐為

隆因名為九隆及長諸兄遂相共推九隆為王後

牢山下有一夫一婦生十女九隆皆以為妻遂因

孳育皆垂身像龍文衣皆著尾九隆死世世不與

中國通漢建武二十三年王遣兵乘葦船南下

攻漢鹿崩民鹿崩民弱小將為所擒於是天大震

雷疾雨南風漂起水為逆流波湧二百餘里革船
又沉沒溺死數千人後數年復遣六王將萬許人攻
鹿崩鹿崩王與戰殺六王哀牢者老共埋之其夜
虎掘而食之明旦但見骸骨驚怖引去乃惧謂其
者老小王曰哀牢犯微自古有之今此攻鹿崩輒
被天誅中國有受命之王乎何天祐之明也即遣
使詣越薦奉獻求乞內附長保塞徼漢明帝永平
十二年置為永昌郡郡治不韋縣蓋秦始皇徙呂
不韋子孫於瑛故以不韋名縣北去葉榆六百餘
里榆水下迤其縣自不韋北注者盧倉禁水耳榆
水自縣南迤遂久縣東又迤姑復縣西與淹水合

又東南迤永昌邪龍縣縣以建興三年劉禪分隸
雲南於不韋縣為東北
東南出益州界
葉榆水自邪龍縣東南迤秦藏縣也南與濮水同
注填澤於連然雙栢縣也榆水自漆又東南流滇
池縣南又東迤同益縣南又東迤漏江縣伏流山
下復出叟口謂之漏江尤思蜀都賦曰漏江沃流
潰其阿汨若陽谷之揚濤沛若濛汜之湧波諸葛
亮之平南中也戰於是水之南榆水又迤賁古縣
北東與盤江合盤水出津高縣東南盤町山東迤
梁水即北賁古縣南水廣百余步深處十丈甚有

鄣氣朱哀之反季恢追至盤江者也建武十九年
伏波將軍馬援上言從麓冷出賁古擊益州臣所
將越駱萬餘人便習戰聞者二千兵以上弦毒矢
利以救發矢往如雨所中輒死愚以行兵此道最
便蓋承藉水利用為神捷也盤水又東逕漢興縣
山溪之中多生印竹栲樹封出綿而夷人資以
自給故蜀都賦曰印竹緣嶺又曰麩有栲柳盤水
北入榆水諸亮葛入南中戰於盤東是也
入犍犍郡西隨縣北為西隨水又東出進桑關
進桑縣犍犍之南部都尉治也水上有關故曰進
桑關也故馬援言從糜冷水道出進桑王國至益

州賁古縣轉輪通利蓋兵車資運所由矣自西隨
至交趾崇山接嶮水路三千里榆水又東南絕溫
水而東南注于交趾知交趾他國則能耶
過交趾麓冷縣北分為五水絡交趾即申至東界復
合為三水東入海水出交趾
尚書大傳曰堯南撫交趾於禹貢荊州之南垂幽
荒之北故越也周禮南八蠻雕題交趾有不粒食
者為春秋不見於傳不通於華夏在海島人民鳥
語秦始皇開越嶺南立蒼梧南海交趾象郡漢武
帝元鼎二年始并百越各七郡於是乃置交趾刺
史以督領之初治廣信所以獨不稱州時又建朔

方明已始開北垂遂交趾於南為子孫基趾也麓
冷縣漢武帝元鼎六年開都尉治交趾外域記曰
越王令二使者與王交趾九真二郡民後漢遣伏
波將軍路博德討越五路將軍到合浦令越王二
使者齎牛百頭酒千鍾及二郡民戶口簿詣路將
軍乃拜二使者所為交趾九真太守主諸雒將主
合民如故交趾郡及州本治於此也州名為交州後
朱載雒將子名詩索麋冷雒將女名微側為妻側
為人勇將詩起賊攻破州郡服諸雒將皆屬
微側為王治麋冷縣得交趾九真二郡民二歲調
賦後漢遣伏波將軍馬援將兵討側詩走入金溪

究三歲乃得忝時西蜀並遣兵共討側宇悉定即
縣為令長也山多大蛇名曰髯蛇長十丈圍七八
尺常在樹上伺鹿馱鹿馱過便但頭繞之有須鹿
死先濡令濕訖便吞頭角骨皆鑽皮出山夷始見
蛇不動時便以大竹箠箠蛇頭至尾殺而食之以
為珍異故楊氏南裔異物志曰髯蛇大蛇既洪且
長采色駁犖其文錦章食灰吞鹿腹成養創實享
嘉宴是桓是鴈言其養創之昔昉肢甚肥搏之以
頰及衣投之則幡而不起走便可得也北二水左
水東北廷望海縣南建武十九年馬援征馮側置
又東廷詭淵縣北又東合南水自麋冷縣東廷封

涿縣北交州外域記曰交趾昔未有郡縣之時土
地有雒田其田後朝水上下民墾食其田因名為
雒氏設雒王雒侯王諸郡縣多為雒將雒將銅
印青綾後蜀王子將兵三萬來討雒王雒侯服諸
雒將蜀王子因稱為安陽王後南越王尉他舉衆
攻安陽王安陽王有神人名臯通下輔佐焉安陽王
治神弩一張一發殺三百人南越王知不可戰却軍
任武寧縣按晉太康記縣屬交趾越遣太子名始脩
服安陽王稱臣事之安陽王不知通神人遇之無
通通便去語王曰能持此弩王天下不能持此弩
者亡天下通去安陽王有女名曰眉珠見始端正

珠與始交通始問珠令取父弩視之始見弩便盜
以鋸截弩訖便逃歸報越王越進兵攻之安陽王
發弩弩折遂敗安陽王下舡逢出於海今平道縣
後王宮城見有故處晉太康地記縣屬交趾越遂
服諸雒將馬援以西于治遠路遙千里分置斯縣
治城郭穿渠通道航灌以利其民縣有猩猩獸形
若黃狗又狀類蛇人面頭巔端正善與人言音聲
麗妙如婦人好女對語交言聞之無不酸楚其肉
甘美可以斫菽穿年不厭又東延浪泊馬援以其
地高自西里進屯此又東延龍淵縣故城南又東
左合此水建安二十三年立州之始蛟龍盤編於

水南北二津故改龍淵以龍編為名也盧循之寇交州也交州刺史杜惠度率水步晨出南津以火箭攻之燒其舡艦一時潰散循亦中矢赴火而死於是斬之傳首京師惠度以斬循勲封龍編侯劉欣期交州記曰龍編縣功曹左飛曾化為虎數月還作更既言其化亦化無不在牛哀易虎不識厥兄當其單狀安知其譌變哉其水又東逕曲易縣東流注于浪鬱經言於郡東界復合為三水此其一也其次一水東逕封谿縣南又東南逕西于縣南又東逕羸陵縣北又東逕北帶縣南又東逕稽徐縣注水注之水出龍編縣高山東南流入稽徐

縣注于中水中水又東逕羸陵縣南交州外域記曰縣本交趾郡治也林邑記曰縣本自交趾南行都官塞浦出為其水自縣東逕安定縣北帶長江江中有越王所鑄銅舡潮水退時人有見之者其水又東流隔水有涿黎城言阿育王所築也又東南合南水南水又東南逕九德郡北交州外域記曰交趾郡界有扶嚴究在郡之北隔渡一江即是水也江北對交趾朱戴縣又東逕浦陽縣北又東逕無功縣北建武十九年九月馬援上言臣謹與交趾精兵萬二千人與大兵合二萬人船車大小二千艘自入交趾於今為歲十月援南入九真至

無功縣賊渠降進入餘發渠帥朱伯奔辟亡入深
林巨木犀象所聚羣牛數千頭時見象數千百為
羣接又分兵入無編縣王之九真亭至居屋縣帥
不降並斬級數十百真乃清其水又東逕於蜀浦
縣縣帶江水江水對安定縣林邑記所謂外越安
定縣紀粟者也縣江中有潛牛形似水牛上岸聞
角軟還入江水角堅復出又東與北水合又東注
鬱亂流而逝矣此其三也平撮通稱同歸鬱海故
經有人海之文矣水自縣東出
夷水出巴郡魚復縣江林邑記曰縣水自文德南長
夷水即恨山清江也水色清照十丈分沙蜀人見

其澄清因名清江也昔廩君淳土舟於夷水樞捍
閔而王邑是以法孝直有言魚復捍閔臨江據水
實益州禰福之門夷水又東逕建平沙縣縣有巫
城南岸水山道五百里其水應縣東出為和
東南過恨山縣南水自沙渠入縣水流淺狹裁得通船東逕

夷水自沙渠入縣水流淺狹裁得通船東逕難
城南城即山也獨立峻絕西面上里餘得石穴把
火行百許步得二大石積並立穴中相去一丈俗
名陰陽石陰石常濕陽石恒燥每水旱不調居民
作威儀服飾往入穴中旱則鞭陰石應時雨多雨
則鞭陽石俄而天晴相承所說往往有効但捉鞭

者不壽人頗惡之故不為也東北面又有石室可容數百人每亂民入室避賊無可攻理因名堆窟城也昔巴蠻有五姓未有君長俱事鬼神乃共擲劍於石穴約能中者奉以為君巴氏子務相乃中之人各令乘土舟約浮者當以為君唯務相獨浮因共立之是為廩君乃乘土舟從夷水下至鹽陽鹽水有神女謂廩君曰此地廣大魚鹽所出願當共居廩君不許廩神暮輒來宿旦化為虫群飛蔽日天地晦暝積十余日廩君因祠便射殺之天乃開明廩君乘土舟下及夷城夷城石岸嶮曲其水亦曲廩君望之而歎以崖為崩廩君登之上有平

石方二丈五尺因立城其傍而居之四姓臣之死精鬼化而為白虎故巴氏以虎飲人血遂以人祀鹽水即夷水也又有湯石即鹽陽石也盛弘之以是推之疑即廩君所射鹽神處也將知是陰石是對陽石立名矣事既鴻古唯為明徵夷水又東運石室在層崑之上石室南向水其下懸崖千仞自水上遙望見女見陟石山巔者扳一側脚而行莫知其誰村人駱都小時到此室邊採蜜見一仙人坐石牀上見都疑矚不轉都還招村人重往則不復見鄉人今名為仙人室袁崧云都縣孫息尚孝夷水又東與溫泉三水合大溪南北夾岸有溫泉對注

夏燠久熱上常有霧氣癆疾百病浴者多愈父老
傳此泉先出鹽于今水有鹽氣夷水有鹽水之名
此亦其一也夷水又東延根縣故城南縣即山名
也孟康曰音恒水出藥阜恒山今世以銀為音也舊
武陵之屬縣南一里即清江東注矣南對長揚溪
溪水西南潛穴穴在射壺村東六七里谷中有石
穴清泉噴流三十許步復入穴即長揚之源也水
中有神魚大者二尺小者一尺居民釣魚先陳所
須多少拜而請之拜訖投釣餌得魚過數者水輒
波湧暴風卒起樹木摧折水側生異花路人欲摘
者皆當先請不得輒取水源東北之昏井山迴曲

有異勢穴口大如盆袁崧云夏則風出冬則風入
春秋分則靜余觀往之其時四月中去穴數丈須
臾寒慄言至六月中永不可當推人有冬過者置
笠穴中風吸之經日還步揚溪得其笠則知潛通
矣其水重源顯發北流注于夷水此水清冷甚於
大溪縱暑伏之辰尚無能漂其津流也縣北十餘
里有神穴平居無水時有渴者誠咨請乞輒得水
或戲求者水終不出縣東十許里至平樂村又有
石穴出清泉中有潛龍每至大旱平樂村左近村
居葦草穢著穴中龍怒須臾水出蕩其草穢傍側
之田皆得澆灌後平樂順流五六里東亭村北山

甚高峻上合下空空微東西廣二丈許起高如屋
中有石床甚整頓傍生野蕈人往乞者神許則昏
吹制分隨偃而輸不得過越不偃而偷輒凶往觀
者去時特平暨處自然恭肅矣
又東過夷道縣北
夷水又東迤虎灘岸石有虎像故因以名灘也夷
水又東迤釜瀨其石大者如釜小者如刀斗形色
亂真唯實中耳夷水又東北有水注之其源百里
與丹水出西南望州山山形殊峻崱秀甚高東北
白岩壁立西南小澗通行登其頂平可有三畝許
上有故城城中有水登城望見一州之境故名望

東州山俗語訛今名武鍾山山根東有湧泉成溪即
丹水所發也下注丹水天陰欲雨輒有赤氣故名
曰丹水矣丹水又迤亭下有石穴甚深未嘗測其
遠近穴中蝙蝠大者鳥多倒懸玄中記曰蝙蝠百
歲者則懸得而眼之使人神仙穴口有泉冬溫夏
冷秋則入藏春則出遊民至秋闌新水口得魚大
者長四五尺骨軟肉美異於餘魚丹水又迤下積
而為淵淵有神龍每旱村人以苜草淵上流魚則
多死龍怒當時大雨丹水又東北流兩岸石上有
虎蹟甚多或深或淺皆悉成就自然成非人工丹
水又北注于夷水水色清澈與大溪同夷水又東

北迤夷道縣北而東注
東入于江
又夷水迤宜都北東入大江有涇渭之北亦謂之
根山此溪水所經皆后山略無土岸其水映俯
又視遊魚如乘空也淺處多五色石冬夏激湍飛遺
傍多茂木空岫靜夜听之怕有清响百鳥翔禽哀
鳴相和也頽浪者不覺疲而忘歸矣
油水出武陵孱陵縣西界
縣有白石山油水所出東迤其縣西與沅水合水
出高城縣沅山東迤其縣下東至孱陵縣入油水也
東過其縣北

縣治故城王莽更名孱陸也列傳孫夫人權妹也
又更修之其城背油向漆
又東北入于江
油水自孱陵縣之東北迤公安縣西又北流注于大江
澧水出武陵沅縣西歷山東過其縣南山
澧水自縣東迤臨澧零陽二縣故界水之南岸白
石双立履狀教人高各三十丈周四十丈古老傳
言昔克縣尉與零陽尉共論封境因相傷害化而
人為石東探零陽西竭沅縣廢省臨澧即其地縣臨
封縣之故治臨側澧水即為縣名晉太康四年置
澧水又東茹水注之水出龍茹山水色清澈漏石

分沙莊辛說楚襄王所謂飲茹溪之流者也茹水
東流澧水出澧縣又東過零陽縣之北澧水澧水東與溫泉水會水發北山石穴中長三十丈
冬夏沸湧常若湯焉溫水南流注于澧水澧水又
東合零溪水源南出凌陽之山歷溪北注澧水澧
水又東九渡水注之水南出九度山山下有溪又
以九渡為名山獸咸飲此水而遙越他津皆不飲
之九度水北逕仙人樓下傍有石形極方峭世名
之為仙樓水自下瀝溪曲折逶迤傾注行者問閔
東每所塞沂山水之號蓋亦因事生焉九渡水又北

流注于澧水澧水又東婁水入焉水源出巴東界
東逕天門即婁水縣北又東逕零陽縣注于澧水
澧水又東逕零陽縣南蘊即零溪以著稱矣澧水
又逕澧縣右會溇溇水出建平即東逕溇陽縣南
晉太康中置溇水又左合黃水黃水出零陽縣西
北連巫山溪出雄黃頗有神異採常以冬月祭祀
鑿石深數丈方得佳黃故溪水取名為黃水北流
注于溇水溇水又東注澧水謂之溇口澧水又東
逕澧陽縣南南臨澧水晉太康中四年立天門即治
也吳永安六年武陵郡高梁山高峯孤竦素壁千
尋望之茗亭有似香鑪其山洞開玄朗如門高三

百丈廣二百丈孫休以為嘉祥分武陵置天門即
澧水又東歷層步出高秀特山下有峭澗泉流所
奔南流注于澧水
又東過作唐縣北
作唐縣後漢分孱陵置澧水入縣左合涪水水出
西北天門即界南流逕涪評屯屯竭涪水溉田數
千頃又東南流注于澧水澧水又東澧水出為澧
水又南逕故郡城東東轉逕作唐縣南澧水又東
逕安南縣南晉太康元年分孱陵立澧水注之水
上承澧水於作唐縣東逕其縣北又東注于澧謂
之澧口王仲宣贈孫文始詩曰悠悠澧澧者也澧

水又東與赤沙湖水會湖水北通江而南注澧澧
謂之決水口澧水又東南注于沅水曰澧口蓋其枝
瀆耳離騷曰沅有芷兮澧有蘭

又東至長沙下雋縣西北東入于江
澧水流注于洞庭湖謂之曰澧江口也

沅水出牂牁且蘭縣為旁溝水又東至鐔城縣為沅水

東逕無陽縣無水出故且蘭南流至無陽故縣對
無水因以氏縣無水又東南入沅謂之無口沅水

東逕無陽縣南臨運水水涼出東南岸許山西北

逕其縣南注于熊溪熊南帶移山山本在水北夕

中風雨旦而山移水南故山以移為名蓋亦蒼梧

柳州佐山之類也。熊溪下注沅水，沅水又東迳辰陽縣，縣有龍溪水，南出于龍嶠之山，北流入于沅水。又一淦水注之，水南出扶陽之山，北流會于沅水。又東與序溪合，水出義陵郡義陵縣，鄜梁山西北流，迳義陵縣，王莽之建平縣也。治序溪，其城劉備之柙，歸鳥出五溪，綏撫蠻夷，良率諸蠻所築也。所治序溪，最為沃壤，良田數百頃，特宜稻，脩作無廢。又西北入于沅，沅水又東合柱水，水導潯柱溪，北流注沅。沅水又東迳辰陽縣南，東合辰水，水出縣三山谷，東南流，獨毋水注之，水源南出，危門山，歷獨毋溪，北入辰水。辰水又迳其縣北，旧治在

辰水之陽，故即名為楚辭所謂夕宿辰陽者也。王莽更名會亭為辰水，又右會沅水，名之辰溪，口武陵有五溪，謂雄溪、楛溪、無溪、酉溪、辰溪，其一焉。夾溪，是蠻左右所居，故謂此夷五溪蠻也。水又迳沅陵縣，西有武溪源，出武山，與酉陽分山水。源石上有磐瓠跡，尤有矣。盤瓠者，高辛氏之畜狗也，其毛五采，高辛氏患犬戎之暴，乃募天下有能得犬戎之將軍，吳將軍頭者，妻以少女。下令之後，盤瓠遂嚙吳將軍之首於闕下，帝大喜，未知所報。女聞之以為信，不可違，請行，乃以配之。盤瓠負女入南山，山上石室中所處，嶮絕，人蹟不至。帝悲思之，遣

使不得進經二年生六男六女盤瓠死因自相夫
妻織績木皮染以草實好五色衣裁制皆有虎其
母白帝賜以名山其後滋蔓號曰蠻夷今武陵郡
夷即盤瓠之種落也其狗皮毛獠孫世寶錄之武
水南流注于沅沅水又東施水注之水南出施山
溪源有湯欺崖崖色純素望同積雪下有二石室
先有人居處其間細泉輕流川竟注故不而可得
以言也施水北流會于沅沅水又東逕沅陵縣北
漢故頃侯吳陽之邑也王莽改曰沅陸縣北枕沅
水沅水又東逕縣故治北縣移治縣之旧城置都
尉府因置傍河勢尽州陸臨沅對酉二川之文會

也酉水導源益州巴郡臨江縣故武陵之充縣酉
源山東南流逕陽故縣南又東逕沅陵故縣界與
西鄉溪合即延江之枝津更始之下流謂之西鄉
溪口酉水又東逕沅陵縣故城北王莽更名曰遷
陸也酉水東逕酉陽故縣南縣有酉陵也酉水又
東逕沅陵縣北又東南逕瀘承明壘西承明討五
溪蠻營軍所築其城跨山枕谷酉水又南注沅水
關駟謂之受水其水所決入名曰酉口沅水又逕
寶應明城側應明以元嘉初伐蠻所築也沅水又
東溪溪水南出茗山山深迴嶮人馭岨絕溪水北
瀉沅川水流水又東與諸魚溪水合水北出諸魚

山山與天門郡之灋陽縣分嶺溪水合南流會于沅沅水又東夷水入焉水南出夷山北流注沅夷山東接胡頭山山高一百里廣圓三百里山下水際有新息侯馬援征武陵蠻停軍處胡頭徃而多險克中紆于難援就胡頭希効早成通遇瘴毒終沒於此忠公獲謗信可悲矣劉澄之曰沅水自胡頭枝分跨三十三渡達交趾危編縣東北入于海脉水尋梁乃非閔寃但古人許以傳疑聊書所聞耳

又東北過臨沅縣南臨沅縣與沅南縣分水沅南縣西有望山夷孤隸

中流浮嶮四絕昔有蠻民避寇居之故謂夷望也南有夷望溪水南出重山遠注沅沅水又東得閔下山東帶閔溪瀉注沅瀆沅水又東歷臨沅縣西為明月池白壁灣灣狀半月清潭鏡澈上則風籟空傳下則泉响不斲行者莫不擁楫嬉游徘徊愛境沅水又東歷三石澗鼎足均峙秀君削成其側茂竹便娟致可翫也又東帶緣羅山巖臨水縣蘿鈞渚漁歌幽谷浮响若鍾沅水右東迤平山西南臨沅水寒松上蒼清泉下注栖託者不暇自絕於其側沅水又東迤臨沅縣南縣沅水因以為名王莽更之監沅縣也縣南有晉徵士漢壽人龔玄

之墓銘太元中車武子立縣治武陵郡下本楚之
黔中郡矣秦昭襄王二十七年使司馬錯以隴蜀
軍攻楚割漢北與秦至三十年又取楚巫黔及江
南地以為黔中郡漢高祖二年割黔中故治為武
陵郡王莽更之建平郡也南對沅南縣後漢建武
中所置也縣在沅水之陲因以沅南為名縣治故
城昔馬援討臨御所築也沅水又東歷小灣謂之
枉渚渚東里許便得枉人山山西帶猶溪一百餘
里茂竹便娟披溪蒼渚長川逕引遠注於沅沅水
又東入龍陽縣有澹水出漢壽縣西楊山南流東
中逕其縣南縣治索城即索縣之故城也漢順帝

陽嘉中改從今名關駟以為具水所出東入沅而
是水又東歷諸湖方南注沅亦曰漸水也水所入
之處謂之鼎口沅水又東歷龍陽縣之沅洲洲長
二十里吳丹陽太守李衡植柑於其上臨死勅其
子曰吾洲里有木奴千頭不責衣食歲絹千疋太
史公曰江陵千樹橘可當封君此之謂矣吳末衡
甘成歲絹千疋今洲上猶有陳根舍拊蓋其遺也
沅水又東逕龍陽縣北城側沅水沅水又東合壽
溪內通大溪口有水連理根各一岸而凌空交合
其上承諸湖下注沅水

又東至長沙下雋縣西北入于江

沅水下注洞庭湖方會於江
浪水出武陵鍾城縣北界沅水谷

山海經禱過之山浪水出焉而南流注于海是也
南至鬱林潭中縣與鄰水合

水出無陽縣故鍾城也晉義熙中改從今名俗
謂之移溪溪水南歷潭中注于浪水

又東至蒼梧陵縣為鬱溪又東至高要縣為火水

鬱水鬱林之何林縣東迤猛陵縣猛陵縣在廣信
之西南王莽之猛陸也浪水於縣左合鬱溪亂流
迤廣信縣地理志曰蒼梧即治武帝元鼎六年南
王莽之新廣即縣曰廣信亭王氏交廣春秋曰元

封五年交州自羸淩縣移治於此建安十六年吳

遣臨淮步騭為交州刺史蔣武吏四百人之交州

道路不通蒼梧太守長沙吳臣擁眾五千騭有疑

於臣先使喻臣臣迎之於零陵遂得進州臣既納

其騭而後有悔騭以兵少恐不存立臣有都督匡昱

勇略與臣同士為用騭惡之陰使人請臣臣往告

又景勿詣騭騭請不已景又往乃於所事前中庭俱

斬以首徇眾即此也鬱水又迤高要縣晉書地道

志曰縣東去郡五百里刺史夏遊毒徒縣水居也

縣有鵠奔亭廣信蘇施妻始珠鬼訟於交州刺史

何敞处事與厘亭女鬼同王氏交廣春秋曰步騭

教吳臣臣景使嚴舟船合兵二萬下取南海蒼梧
人衛茲錢博宿臣部伍與軍逆雋於蒼梧高要峽
口兩軍相逆於是遂交戰毅與衆投死水者千有
餘人
又東至南海番禺縣西分為二其一南入于海
鬱水分浪南注
其一又東過縣東南入于海
浪水東別逕番禺山海經謂之賁遇者也交州治
中合浦姚文式問云何以名為番禺蒼曰南海郡
昔治在今州城中與番禺縣連接今入城東南偏
有水坑凌城倚其上聞此郡人名之為番禺山縣名

番禺儻謂番山之禺也漢書所謂浮牂牁下離津
同會番禺蓋乘斯水西入越也秦并天下略定揚
越置東南一尉西北一候開南海以適徙民至二
世時南海尉任囂召龍川令趙他日聞陳勝作亂
豪傑叛秦吾欲起兵阻絕新道番禺負嶮可以為
國會病綿篤無人與言故召公來告以大謀囂卒
他行南海尉事則拒關門設守以法誅秦所置吏
以其黨為守自立為王高帝定天下使陸賈就立
他為越王剖符通使至武帝元鼎五年遣伏波將
軍路博德等攻南越王五世九十三歲而亡以其
地為南海蒼梧鬱林合浦交趾九真日南也建安

中吳遣步薦為交州薦到南海見土地形勢觀尉
他舊迹處負山帶海博故眇自高則乘土下則沃
泔林麓鳥獸于何不有海怪魚鼈龜鼉鮮鯨珍怪異
物千種方類不可勝記他因置作臺北面朝漢圓
基千步直峭百丈頂上三畝復道環迴逶迤曲折
朔望升拜名曰朝臺前後刺史即守迺除新至未
嘗不乘車升履於焉道遙薦登高遠望觀巨海之
浩沉觀原藪之殷阜乃曰斯誠海島膏腴之地宜
為郡邑建安二十二年遷州番禺築立城郭綏和
百越遂用寧集交州治中文武問答云朝臺在州
城東北三十里裴淵廣州記曰城北有尉他墓墓

後有大罌謂之馬鞍罌秦時占氣者言南方有死
子氣始皇發民鑿破此罌地中出血今鑿延尤存
以狀取目故罌受厥稱焉王氏交廣春秋曰越王
趙他生有奉制稱蕃之節死有祕奧神密之墓他
之壘也因山為墳其壘可謂奢大葬積珍玩吳
時遣使發掘其墓求索棺柩鑿山破石費日損力
卒無所獲他雖奢僭慎終其身乃今後人不知其
處有似松喬迂景牧堅固所無殘矣鄧德明南康
記曰昔有盧耽仕州為治中少棲仙術善解雲飛
每夕輒凌虛歸家曉則還州嘗於元會至朝不及
朝列化為白鵝至閭前迴翔欲下威儀以石擲之

得一雙履耽鶩還就列內外左右莫不駭異時步
馮為廣州意甚惡之便以狀列聞遂至誅滅廣州
記稱吳平晉滕循為刺史循鄉人語循蝦鬚長一
赤循以為虛責其人乃臣東海取蝦鬚長四赤遠
送示循循始復謝厚為遣其一水南入者鬱川分
孤運四會入海也其一即川東別運番禺城下
書所謂浮牂犵下離津同會番禺蓋乘斯水而入
于越也浪水又東運懷化縣入于海水有鰒魚裴
淵廣州記曰鰒魚長二丈大教園皮皆鱗物生子
子小隨母覓食驚則還入母腹吳錄地理志曰鰒
魚子朝索食暮入母腹南越志曰暮後暗入旦由

口出腹裏兩洞腹貯水以養子腸容二子兩則四
焉其餘又東至龍川縣為涅水屈北入負水浪水
枝津衍注自番禺東歷增城縣南越志曰縣多鷄
鷄鷄鷄山鷄也光色鮮明五色眩曜利距善聞世
以家鷄聞之則可擒也又運博羅縣而界龍川左
思所謂目龍川面帶垆者也趙他乘此縣而夸擬
南越矣

負水又東南一千五百里入南海

東歷揭揚縣王莽之南海亭而注于海也

水經卷第三十八

桑欽撰



鄒道元注

資水出零陵都梁縣路山

湘水



瀕水出零陵都梁縣路山

資水出武陵郡無陽縣界唐紉山蓋路山之別名

也謂之大溪水東北迤邐陵郡武置縣南縣分都

東梁之所置也縣左右二置對峙重岨齊秀間可二

里舊傳後漢伐五溪蠻蛮保此置故曰武置縣即

其稱焉大溪迤邐建興縣南又迤都梁南漢武帝元

朔五年為長沙定王子敬侯定之邑也縣西有小

...



山山上有渚水既清且淺其中悉生蘭艸綠葉紫莖芳風藻川蘭馨遠馥俗謂蘭為都梁山因以號

縣受名焉夫夷縣漢武去二里扶陽縣東北過夫夷縣

夫水出縣西南零陵縣界少延山東北流迳扶陽縣南本零陵之夫夷縣也漢武帝元朔五年以封

資長沙定王子敬侯義之邑也夫水又東注邵陵水

謂之邵陵浦水口也夫水

又東北過邵陵縣之北夫水

縣治即下南臨大溪不迳其北謂之邵陵水魏咸

熙二年吳寶鼎元年孫皓分零陵北部立邵陵郡

於邵陵縣故邵陵也溪又東得高平水口水出

武陵即沅陵縣首望山西南流高平縣南又東入

邵陵縣界南入于邵水邵水又東會雲泉水水出

零陵永昌縣雲泉山西北流迳邵陵南縣故昭陽

也雲泉水又北注邵陵水謂之邵陽水口自下東

北出益陽縣其間迳流山峽名之為茱萸江蓋水

更名夫水

又東北過益陽縣北夫水

縣有關羽瀨所謂關侯灘也南對甘寧故壘昔關

羽屯寧水北孫權令魯肅甘寧拒之於是水寧謂

肅曰羽聞吾咳唾之聲不敢渡也渡則成擒矣羽

夜聞寧廵分曰興霸聲也遂不渡茱萸江又東迤
益湯縣北又謂之資水應劭曰縣在益水之湯今
無益水亦或資水之殊目矣然此縣之左右處處
有深潭漁者咸輕舟委浪謠詠相和羅君章所謂
其聲綿邈者也水南十里有井教百口淺者四五
赤或三五丈深者亦不測其深古老相傳昔人以
杖撞地輒便成井或云古人採金沙處莫詳其實也
又東與沅水合於湖州東北入于江也
湖即洞庭湖也所入之處謂之益湯江口
連水出連道縣西資水之別
水出邵陵縣界南迤連道縣縣故城在湘鄉縣西

一百六十里控引衆流合成一溪東入衡陽湘鄉
縣鹿石魚山下多玄石山高八十餘丈廣十里石
色黑而理若雲母開發一重輒有魚形鱗鱗首尾
有若刻畫長數寸魚形備足燒之作魚膏腥因以
名之連水又迤湘鄉縣南臨連水本屬零陵長沙
東定王子昌邑連水又屈迤其縣東而入湘南縣也
東北過湘南縣南又東北至臨湘縣西南東入于湘
連水自湘南縣東流至衡陽湘西縣界入于湘水
也於臨湘縣為西南者矣
湘水出零陵始安縣陽海山
即陽朔山也應劭曰湘出零陵山蓋山之殊名也

山在始安縣北縣故零陵之南部也魏咸熙二年
孫韶之甘露元年立始安郡湘澌同源分為二水
南為澌水北則湘川東北流羅君章湖中記曰湘
水之出於陽朔則觴為之舟至洞庭日月若出入
於其中也

東北過零陵縣東

越城嶠水南出越城之嶠嶠即五嶺之西嶺也秦
置五嶺之戍是其一焉北至零陵縣下注湘水
湘水又逕零陵縣南又東北逕觀陽與覘水合水
出臨賀郡之譙沐縣界西北逕觀陽縣西縣蓋即
水為名也又西北流注于湘川謂之觀口也

又東北過洮陽縣東

洮水出縣西南大山東北逕其縣南即洮水以立
稱矣漢武元朔五年封長沙定王子節侯拘為侯
國王莽更名之曰洮治也其水東流注于湘水

又東西過泉陵縣西

營水出營陽冷道縣南留山西流逕九疑山下磐
碁蒼梧之野峯秀數郡之間羅岩九舉各導一溪
岫壑負阻異嶺同勢遊者疑為故曰九疑山大舜
窆其陽商均壘其冰山南有舜廟前有石碑文字
缺落不可復識自南仰山極高直上可百余里古
老相傳言未有登其峯者山之東北冷道縣界又

有舜廟縣南有舜碑碑是零陵太守徐儉立營水
又西迳營道縣馮水注之水出臨賀郡馮乘縣東
北馮置其水導源西北流縣憑溪以託名焉馮水
帶約衆流渾成一川謂之北渚歷縣北西至關閘
下下地名也是商州改裝之始馮水又左合萌渚
之水水南出于萌渚之嶠五嶺之第四嶺也其山
多錫亦謂之錫方矣渚水北迳馮乘縣西而北注
馮水馮水又迳營道縣而右會營水營水又西北
屈而迳營道縣西王莽之九疑亭也而營水又東
北迳營浦縣南營陽之郡治也魏咸熙二年吳孫
皓分零陵置在營水之陽故以名即以營水又

北都溪水注之水出春陵縣北二十里仰山南
迳其縣西縣本冷道縣之春陵鄉蓋因春溪為
名矣漢長沙定王分以為縣武帝元朔五年封
王中子買為春陵節侯縣故城東又有一城東西
相對各方百步古老相傳言漢家舊城漢稱猶存
知是節侯故邑也城東角有一碑文字缺落不可
復識東南三十里尚有節侯廟都溪水又南迳新
縣東縣東傍都溪溪水又西迳縣南左與五溪俱
會縣有五山山有一溪五水會於縣門故曰都溪
也都溪水自縣又西北流迳冷道縣北與冷水合
水南出九疑山北流迳其縣西南縣指冷水溪以即

名王莽之冷凌縣也冷水又北流注于都溪水又西北入于營水溪水又北流注于營陽峽又北至觀陽縣而出于峽矣大小二峽之間為泓沂之極根矣營水又西北逕泉凌縣西漢武元朔五年以封長沙定王子節侯賢之邑也王莽名之曰溥潤零凌郡治故楚矣漢武帝元鼎六年分桂陽置大史公曰舜葬九疑實堆零凌或作零郡郡取名焉王莽之九疑郡也下邳陳球為零凌太守桂陽賊胡蘭攻零凌激流灌城球輒於內因地勢反決水淹賊相拒不能下縣有白土鄉零凌先賢傳曰鄭產字景載泉凌人也為白土畜夫漢末多事國用

不足產于一歲輒出口錢民多不舉子產乃勅民勿得殺子口錢當自代出產多其郡縣為表上言錢得除更名白土為更生鄉也晉書地道志曰縣有香茅氣甚芬香言貢之以縮酒也營水又北流注于湘水湘水又東北與應水合水出邵凌縣應山崖嶝嶮岨峻崿萬尋澄淵湛于上應水湧於下東南流逕應陽縣南晉分觀陽縣立蓋即應水為名也應水又東南流逕有鼻墟南王隱曰應陽縣本泉陽之北邵東五里有鼻墟言象所封也山下有象廟言甚有灵能興雲雨余所聞也聖人之神曰靈賢人之精氣為鬼象生不惠死靈何寄乎應

水又東南流而注于湘水湘水又東北得沅口水
出永昌縣北羅山東南流迤石鷲山東其山有石
紺而狀鷲因以名山其石或大或小若母子焉及
其雷風相薄則石鷲羣飛頡頏如真鷲矣羅君章
云今鷲不必復飛也其水又東南迤永昌縣南又
東流注于湘水又東北迤祁陽縣南又有餘溪水
注之水出西北邵陵郡邵陵縣東南流注于湘其
水濁揚清沉濁水色兩分湘水又北與宜溪水合
水出湘東郡之新寧縣西南新故縣東新平之故
新平也衆川瀉浪共成一津西北流東岸山下有
龍穴宜水迤其下天旱則擁水注之便有雨降宜

水又西北注于湘湘水又西北得舂水口水上承
營陽舂淩縣西北潭山又北迤新寧縣東又西北
流注于湘水也
又東北過重安縣東又東北過鄱縣西舂水從東南
來注之

承水出衡陽重安縣西邵陵縣界耶薑山東北流
至重安縣迤舜廟下窟在承水之冰又東合略塘
相傳云此塘中有銅神今尤時聞銅聲於水水輒
變淥作銅腥魚為之死承水又東北迤重安縣南
溪長沙項王子度邑也故零陵之鍾武縣王莽更
名曰鍾桓也武水入焉水出鍾武縣西南表山東

流至鍾武縣故城南而東北流至重安縣注于承
水至湘東臨承縣北東注于湘謂之承口臨承即
故郵縣也縣即湘東郡治也郡舊治在湘水東故
以名郡魏正元二年吳王孫亮分長沙東部立縣
有石鼓高六丈湘水所逕鼓鳴則土有兵革之事
羅君章云扣之聲聞數十里此鼓今無復聲觀陽
縣東有裴岩其下有石鼓形如履舩扣之清响遠
徹其類也湘水北又應印石石在衡水縣南江水
又有盤石或大或小臨水而石悉有蹟其方如印
累然行列無文字如此可二里許因名爲印石也
湘水又北逕衡山縣東山在西南有三峯一名紫

蓋一名容峯容峯最爲竦傑自遠望之倉倉隱天
故羅含云望若陣雲非清霽素朝不見其峯丹水
湧其左澧泉流其右山經謂之岫嵗山爲南嶽也
山下有舜廟南有祝融冢楚靈王之世山崩毀其
墳得營丘九頭圖治洪水血馬祭山得金簡王字
之書容峯之東有仙人石室學者經過往往聞詠
誦之音矣衡山東南二面臨暎湘川自長沙至岷
江湘七百里中有九背故漁者歌曰沉隨湘轉望
衡九回山上有飛泉下注下映青林直注山下望
之若幅練在山矣湘水又東北逕湘南縣東又應
湘西縣南分湘南置也衡陽郡治魏正元二年吳

孫亮分長沙西部立治湘南太守可承天徒即湘
西矣十三州志曰日華水出桂陽郴縣華山西至
湘南縣入湘地理志曰郴縣有耒水出來山西至
湘南西入湘湘水又北逕麓山東其山東臨湘川
西傍原溫息心之士多所萃焉
又東北過陰山縣西沫水從東南來注之又北過澧
陵縣西澧水從東注之
續漢書五行志曰建安八年長沙醴陵縣有大山
常鳴如牛叫声積教年後豫章賊攻沒縣亭殺掠
吏民因以為候湘水又北建寧縣而傍湘水縣北
有空冷峽驚浪雷奔濬同三峡湘水又北逕建寧

縣故城下晉太始中立
又北過臨湘縣西瀏水從縣西北流注

縣南有石潭山湘水逕其西山有石室石床臨對
清流水又北逕昭山西山下有旋泉深不測故言

昭潭無底也亦謂之曰湘州潭湘水又北逕南津

城西西西對橘州或作吉字為南津洲尾水西有橘

洲子戍故郭尚存湘水又北左會瓦官水口湘浦

也右逕缸官西湘洲商舟之所次也北對長沙即

郡在水東州城南舊治在城中後乃移北湘水左

逕麓山東上有故城山北有白露水口湘浦也又

右逕臨湘縣故城西縣治湘水濱臨川側故即名

焉王莽改號撫睦故南境之地也秦滅楚以長沙
郡即青陽之地也秦始皇二十六年荆王馮青陽
以西漢書書郟陽傳曰越水長沙還舟青陽張晏
曰青陽地名也蘇林曰青陽長沙縣也漢高祖五
年以封吳芮為長沙王是城即芮築也漢景帝二
年封唐姬子發為王都此王莽之鎮壘郡也於禹
貢則荊州之域晉懷州帝以永嘉元年分荊州湘中
諸郡立湘州治此城之內郡廡西陶侃廟云舊是
賈誼宅地中有一井是誼所鑿極小而深上欽下
大其狀似壺傍有一脚石床終客一人坐形流制
相承云誼宿所坐牀又有大甘樹亦云誼所植也

城之西北有故市北對臨湘縣之新治縣治西北
有北津城縣北有吳芮冢廣踰六十八丈登寫目
為廛郭之佳態也郭頌世語云魏黃初末吳人發
芮冢取木於縣立孫堅廟見芮屍容兒衣服並如
故吳平後預設冢人於壽春見南蠻校尉吳綱曰
君形兒何類長沙王吳芮乎但君微短耳綱瞿然
曰是先祖也自芮卒至冢發四百年至見綱又四
十餘年矣湘水左合誓口又北得石廊口並湘浦
也右合麻溪水口湘浦也湘水又北迳三石山東
山枕側湘川北即三石水口也湘浦矣水北有三
石戌戌城為二水之會也湘水右迳瀏水戌西北

對瀏水

又北為水從西南來注之

為水出益陽縣馬頭山東逕新陽縣南晉太康元年改曰新康矣為水又東入臨湘縣歷為口戌東南注湘水湘水又北合斵口又北則下營口湘浦也湘水之左岸有高口水出益陽縣西北逕高口戌南又西北上鼻水自鼻洲上口受湘西入為謂之上鼻浦高水西北與鼻下浦合水自鼻洲下口首受湘川西通高水謂之下鼻口高水又西北右屈為陵子潭東北流注湘為陵子口湘水自高口戌東又北右會鼻洲左合上鼻口又北右對下鼻

口又北得陵子口湘水右岸銅官浦出為湘水又北逕銅官山西臨湘水山土紫色內含雲母故亦謂之雲母山也

又北過羅縣西澗水從東來流注

湘水又北逕錫口戌東又北左派謂之錫水西北流逕錫口戌北又西北流屈而東北注玉水為水出西北玉池東南流注于錫浦謂之玉池口錫水又東北東湖水注之水上承玉池之東湖也南流于錫謂之三陽水南有三戌又東北注于湘湘水自錫口北出又得望北浦湘浦也湘水又北枝津北謂之門逕也湘水紆流西北東北合門水謂之門逕口又北得三

溪水口水東承大湖西通湘浦三水之會故得三
溪之目耳又北東會大對水口西接三津通湘水
又北連黃陵亭西右合黃陵水口其水上承大湖
湖水西流通二妃廟南世謂之黃陵廟也言大舜
之涉方也二妃復征溺於湘江神游洞庭之淵出
入瀟湘之浦瀟者水清深也湘中記曰湘川清照
五六丈下見底石如樗蒲矣五色鮮明白沙如霜
雪赤崖若朝霞是納瀟湘之名矣故民為立祠於
水側為荊州牧劉表刊石立碑樹之於廟以旌不
朽之傳矣黃水又西流入于湘謂之黃陵口昔王
子山有異才年二十而得惡夢作夢賊二十一溺死

於湘浦即斯水矣湘水又北通白沙戍西又北右
會東町口澗水也湘水又左合決湖水出西陂
東通湘渚湘水又北汨水注之水東出豫章艾縣
栢山西南通吳昌縣北與純水合水際出其縣東
南純山西北流又東通其縣南又北通其縣故城
下縣是吳主孫權立純水又右會汨水汨又西通
羅縣北本羅子國也故在襄陽宜城縣西楚文王
移之於此秦長沙立郡因以為郡謂之羅水汨水
又西通玉筍山羅含湘中記云屈潭之左有玉筍
山道士遺言此福地也一曰地脚山汨水又西為
屈潭即羅淵也屈原懷沙自沉於此故淵潭以屈

為名昔賈誼史遷皆寄廷此弭檝江波板乎於淵
淵北有屈原廟廟前有碑又有溪南太守程堅碑
寄在原廣汨水又西廷汨羅戍南西流注于湘春
秋之羅納矣世為汨羅口湘水又北枝分北出逢
汨羅戍西又北廷壘石山東又北廷壘石戍西謂
之為導廷矣而北合湘水自汨口西北廷壘石山
西而北對青草湖亦或謂之為青草山也西對懸
城口湘水又北得几口並湘浦也湘水又東北為
青草湖右合為廷北口與澇口合又北得同梓口
皆湘浦右迤者也
又北過下雋縣西微水從東來流注

湘水左會水青口資水也世謂之益陽江湘水
廷鹿角山東石廷謹亭戍西又北合查浦又北得万浦
咸湘浦也側湘浦北有萬石戍湘水左則沅水注
之謂之橫房口東對微湖世或謂之康湖口也右屬微
水即經所謂微水經下雋者也西流注于江謂之麋
湖口也水又北廷金浦戍北帶金浦水湖澁也湘水
左則澧水注之世謂之武陵江凡此四水同注洞庭
北北會大江名之五渚戰國策曰秦與荆戰大破
之取洞庭五渚也湖水廣員五百余里日月若出沒
於其中山海經云洞庭之山帝之二女居焉沅澧之
風交湘之浦出入多飄風暴雨湖中有君山編山君

山有石穴潛通吳之苞山郭景純所謂巴陵地道者也。是山湘君之所游處，故曰君山矣。昔秦始皇遭風於此，而問其故，博士曰：湘君出入則多風，秦王乃楮其山。漢武帝亦登之，射蛟於是。山東北對編山，山多箎竹，兩山相次，去教十里，迴峙相望，孤影若浮湖之右岸。有山世謂之笛鳥頭石，石北右會翁湖口，水上承翁湖，左合洞浦，所謂三笛之國，左洞庭者也。又北至巴丘山，入于江。

山在湘水右岸，山有巴陵，故城本吳之巴丘，卽閣城也。晉太康元年立巴陵縣於此，後置建昌郡。宋元嘉十六年立巴陵郡，城跨崗嶺，濱岨三江。巴陵西

對長洲，其洲南磨湘浦，北屆大江，故曰三江也。三水所會，亦或謂之三江口矣。夾山列關，謂之射獵。又北對養口，咸湘浦也。水色清異，東北入于大江，有清濁之別，謂之江會也。

離水亦出湯海山

離水與湘水出一山而分原也。湘離之間陸地廣百餘步，謂之始安嶠，蓋卽越城嶠也。嶠水自嶠之陽南流，注離，名曰始安水。故庾仲初之賦，揚都云：判五嶺而分流者也。離水又南與漓水合，出西北，卽凌縣界，而東南流，至零陵縣西南，迺越城西建。安十六年，交州刺史賴恭自廣信合兵，小零陵，越

城迎步薦即是地也瀉水又東南流注于濰水漢書所謂出零陵下濰水者也濰水又南合彈九溪水出于彈丸山山有湧泉奔流冲激山堪及溪中有石若丸自然珠圓狀彈丸矣故山水即名爲溪水東流注于濰水濰水又南迳始興縣東魏文帝咸熙二年吳孫皓分零陵南郡立始興縣濰水又南右會洛溪溪水出永豐縣西北洛溪山東流迳其縣北縣本倉梧之北鄉孫皓割以爲縣洛溪水又東南迳始安縣而東注濰水濰水又東南流入熙平縣迳羊瀨山山臨水石間有色類羊又東南迳雞瀨山山帶濰水山石色狀鷄故二山以物象

受名矣濰水又南得熙平水口水源出縣東龍山西南流迳其縣南又西與北鄉溪水合水出縣東北北鄉山西流迳其縣北又西流南轉迳其縣西縣本始安之扶鄉也孫皓割以爲縣溪水又南注熙平熙平水又西注于濰水縣南又朝夕塘水出東出西有塘水從山下注塘一日再增再減盈縮以時未嘗愆期同於潮水因名此塘爲朝夕塘矣濰水又西迳平樂縣界左合平樂溪水出臨賀郡之謝沐縣南歷山西北流迳謝沐縣西南西南流至平樂東南左會謝沐衆溪流湊合西迳平樂南孫皓割倉梧之境立以爲縣北隸始安溪水

又西南流注于澠水謂之平水
南過蒼梧荔浦縣
瀨水出縣西北魯山之東迤其縣西與濡水合出
永豐縣西北濡山東南迤其縣西又東南流入于
荔浦縣注于瀨溪又注于澠水之上有澠水閘澠
水又南左合靈溪水口出臨賀富川縣北符靈置
南流迤其縣東又南注于澠水也
又南至廣信縣入于鬱水
溱水出桂陽臨武縣南繞城西北屈
溱水導源縣西南北流迤縣西而北與武漢溪合以
海經曰肆水出臨武西南注于海入番禺西津水

蓋溱水之別名也武漢水出臨武縣西北桐相山
東南流右合溱水亂流東南迤臨武縣西謂之武
溪縣臨側溪東因曰臨武王莽更名大武也溪又
東南流左會黃冷溪水溪水出郴縣黃冷山西南
流右合武漢武水又南入重山山名藍蒙廣圓五
百里志曲江縣界崖峻岨岩嶺于天文柯雲蔚霍
天晦景謂之瀧中懸湍迴注崩浪震山名之瀧水
東至曲江縣安甯邑東屈西南流
瀧水又南出峽謂之瀧口西岸有任將軍城南海
都尉任囂所築也躡死尉他自龍川始居之東岸
有任將軍廟瀧水又南合冷水冷水東出冷君山

山羣萃之孤秀也晉大元十八年崩千餘丈於是
懸澗暴傾流注壑頽波所入灌于瀧水瀧水又右
合林木林水出縣東北涇山王欽始興記曰林水
源東有室室前盤石上行羅十筥中悉是餅銀採
伐遇之不得取取必達閔晉太元初民封驅之家
僕密竊三餅歸散者有大蛇螫之而死湘州記曰
其夜駟之夢神語曰君奴不謹盜銀三餅即日顯
戮以銀相備視則奴死銀在矣林水自源西流于
瀧水又與雲水合水出縣北湯泉泉源沸湧浩氣
雲浮以腥物投之俄頃即熟其中時有細赤魚游
之不為灼也而不合流水又有籍水上承滄海之

有島嶼焉其水吐納衆流西北注于瀧水流水又
南歷靈鷲山山本名虎邱山亦曰虎市山以虎多
暴故也晉義熙中沙門釋僧律葺宇岩阿猛虎遠
蹟蓋律仁感所致因改曰靈鷲山瀧水又南迤曲江
縣東又言縣昔號曲紅曲山名也東連岡是矣流
中有碑文曰按地理志曲江舊縣也王莽以為除
虜始興郡治魏文帝咸熙二年孫皓分桂陽南部
立縣東傍瀧溪號曰北瀧水水左即東溪口也水
出始興東江州南康縣界石閣山西流而與連水
合水出南康縣涼熱山連溪山即大庾嶺也五嶺
之最東矣故曰東嶠山斯則改裝之次其下船路

名連溪連水南流注于東溪謂之連度仲初謂之
大庾嶠水也東溪亦名東江又曰始興水又西耶
階水注之水出縣東南耶階山水有別源曰棠頭
重巖矜瀧湍奔相屬祖源双注合為一川水側有
鼻天子城鼻天子所未聞也耶階水又西北注于
東江江水又西逢始興縣南又西入曲江縣即水
注之水出浮岳山山躡一處則百餘步動若在水
也因名浮岳南山流注于東江東江又西與利水
合水出縣之韶石北山南流逢韶石下石高百仞
廣員五里兩石對峙相去一里小大略均似雙闕
名曰韶石古老言昔有二仙分而態之自爾年豐

彌庶一紀利水又南逢靈石下灵石一名逝石高三十
丈廣員五百丈耆舊傳言石本桂陽汝城縣因夜
迅雷之變忽然迁址彼人來見歎曰石乃逝來因
名逝石以其有靈運徙又曰靈石其傑處臨江壁
立霞駁有若績鳥水石驚瀨傳响不絕商舟淹留
聆翫不已利水南注東江東江又西注于北山謂
之東江口湊水自此有始興大江之名而南入湏
陽縣也

過

湏陽縣出淮浦關與桂水合

湊水南逢湏陽縣西舊益縣也王莽之基武也縣
東有湏石山廣員三十里挺嶠大江之北盤趾長

川之際其陽有石室漁叟所憇昔欲於山北開達
郡之路輒有大蛇斬道不果是以今者必於石室
前汎舟而濟也溱水又西南歷臯口太尉二山之
間是曰湏陽峽兩岸傑秀壁立亏天昔嘗鑿石架
閣令兩岸相接以拒徐道覆溱水出峽老則湏水
注之水出南海龍川縣西迤湏陽縣南右注溱水
故應劭曰湏水西入溱是也溱水又西南淮水入
焉山海經曰所謂淮水出桂陽西北東南注津入鄆
浦西者也溱水又西南迤中宿縣會一里水其地
隘名之為規歧連山交捩絕崖壁竦下有神廟背
河面流壇宇虛肅廟渚攢石喚岩亂峙中川時水

游至鼓怒沸騰流木淪沒必無出者世人以為河
伯下林晉中朝時縣人有使者至洛有使訖時還
忽有一人寄其書云吾家在觀前石間懸藤即其
處也但扣藤自當有人取之使者謹依其言果有
二人出外取書并延入水府衣不需濡言此似不
近情然造化之中無所不有穆滿西游與河宗論
寶以此推之亦為數矣溱水又西南迤中宿縣南
吳孫皓分四會之北鄉立焉

南入于海

溱水又南注于鬱而入于海

水經卷第三十八

尺狀如女子故名貞女峽古來相傳有教女取螺
於此遇風雨晝晦忽化為石斯誠巨異難以聞信
但啓生石中掣爪空乘斯抑類矣物之變化寧以
理乎求溪又合涇水涇水又東南入陽山縣右合
漣口水源出縣西北一百一十里石塘村村之流
水側有豫章水本逢可二丈其株根猶存伐之積
載而斧蹟若新羽族飛翔不息其傍衆枝飛散遠
集鄉亦不測所如唯見一枝獨在合涇水矣漣水
東南流注于涇涇水又東南流而又與斟水合水
導源近出東崑下穴口若井一日之中十溢十竭
信若潮流而注涇水涇水又南逢縣故城西者舊

傳曰往昔縣長臨縣輒迂擢超級大史逢觀言勢
使然掘新連置流血成川城因傾阨遂即傾敗閣
下大鼓飛上臨武乃之桂陽追號聖鼓自陽山達
于桂陽之武步駟所至循聖鼓道也其道如塹迄
于鼓城矣涇水又逕陽山縣南縣故合涇縣之桃
鄉孫皓分立為縣也涇水又南東流也

東南過合涇縣

應劭曰涇水東北入沅瓚注漢書沅在武陵去涇
遠又隔湘水不得入沅涇水南左合翁水水出東
北利山湖湖水廣員五里潔踰凡水之西南流注
于涇謂之翁水口口已下東岸有聖鼓枝即陽山

之鼓枝也橫在川側雖衝波所激未嘗移動百鳥
翔鳴莫有萃者舩人上下以篙撞者輒有瘡疾涇
水又東南左合陶水東出堯山山盤紆數百里有
楮岩迭起冠以青林與雲霞亂采山上有白石英
山下有平凌有大堂基者舊云堯行宮所陶水西
涇縣北右注涇水涇水又迤含涇縣西王欲始興
記曰縣有白鹿城城南有白鹿置咸康中郡民張
魴為縣有善政白鹿來游故城及置並即名焉

南出涇浦關為桂水

關在中宿縣涇水出關右合溱水謂之涇口山海
經謂之湟水徐廣曰湟水一名涇水出桂陽通

會亦曰淮水也漢武帝元鼎元年路博德為伏波
將軍征南越出桂陽下湟水即此水矣桂水其別
名也

深水出桂陽盧聚

呂忱曰深水一名邃水導源盧溪西入營水亂流
營波同注湘津許慎云深水出桂陽南平縣也經
書桂陽者縣也本隸桂陽郡後割屬始興縣有盧
溪盧聚山在南平縣之南九疑山東也

西北過零陵營道縣南又西北過營浦縣南又西北
過泉陵縣西北七里至燕室邪入于湘

水上有燕室丘亦因為聚名也其下水深不測號

曰龍泉

鍾水出桂陽南平縣訃山北過其縣東又東北過宋
渚亭又北過鍾亭與雞水合

訃山即訃龍之嶠也五嶺之茅三嶺也鍾水即嵩

水也庾仲初曰嶠水南入始興灌水注于海北入

桂陽湘水注于江是也鷄水即桂水也雞桂声相

近故字通讀變經仍其非矣桂水出桂陽縣北界

山山壁高聳三面特峻石泉懸注瀑布而下北逕

南平縣而東北流屈鍾亭左會鍾水通為桂水也

故應劭曰桂水出桂陽東北入湘

又北過魏寧縣之東

魏寧故湯安也晉太康元年改曰晉寧縣在桂陽

郡東一百二十里縣南西二面岨帶清溪桂水無

出縣東埋蓋縣邑流移今古不同故也

又北入于湘耒水出桂陽郴縣南山

耒水發源出汝城縣東烏龍白騎山西北流逕其

縣北西流三十里中有十四瀨各數百步濬流奔

急竹節相次亦為行旅所涉之艱難也又西北逕

晉寧縣北又西左合清溪水口水出縣東黃皮山

西南流逕縣南又西北注于耒水汝縣在郡東三

百餘里山又在縣東耒水無出南山理也

又北過其縣之西

縣有綠水出縣東侯公山西北流而南屈注于耒
謂之程鄉溪即置酒宮醞於山下名曰程酒猷同
鄴也耒水又西黃水注之水出縣西黃岑山山則
騎田之嶠五嶺之第二嶺也黃水東北流葉盛弘
之云齊山水出注于大溪號曰橫流溪溪水甚小
冬夏不乾俗亦謂之為貪泉飲者輒冒於財賄同
於廣州石門貪派矣廉介為二十石則不飲之昔
吳隱之抱而不亂豈謂能渝其真乎蓋亦惡其名也
列澄之謂為一涯溪通四會殊為孟浪而不悉也庾
仲初云嶠水南入始興漆水注海即黃岑水入武漢者也
北水入桂陽湘水注于大江即是水也又側千煉

水注之水出西南萬歲山山有石室室中有鍾乳
山上生靈壽木溪下即千煉水也水側民居踈
萬歲村其水下合黃水黃水又東北迤其縣東石
合際泉水水出縣南湘波村村有圓水廣員可二
百步一。邊煖一。邊冷冷。處極清綠淺則見石深則
無底煖。水白且濁。玄素既殊。涼煖亦異。厥名除
泉其猶江乘之半湯泉也水盛則瀉黃溪水耗則
津涇輟流柳。柳。舊縣也。桂陽郡治也。漢高帝二年分
長沙置地理志曰桂水所出因以名也王莽更名
南平縣曰宣風。項羽。遷義帝所築也。縣南有義帝
冢。內有石虎。因呼為石虎。即東瓊。漢記曰茨充字

子何為桂陽太守民望嬾少鹿履足多割裂茨教
作履今江南知織履皆克之教也黃溪東有馬嶺
山高六百餘丈廣負四十許里漢末有郢民蘇耽
栖遊此山桂陽列仙傳云耽挾縣人少孤養母至
孝言語虛無時人謂之癡常與中兒共牧牛更直
為帥錄牛無散每至耽馬帥牛輒徘徊左右不逐
自還衆兒曰汝直牛何遇不逐邪耽曰非汝曹所
知即而詳毋云受性應仙當遠供養淨酒又說年
將大疫死者略半穿一井飲水可得無恙如有
哭聲甚哀見耽乘白馬還此山中百姓為之立壇祠
民安歲登民因名為馬嶺山黃水又北流注于耒

水謂之柳口耒水又西迤華山之陰亦曰華石山
大派零特蠶槐帶双流東則黃溪耒水之交會也耒
水東流注下得北過其縣西也兩岸連山石泉
懸溜行者輒徘徊念情不極已也
又北過便縣之西
涿縣故惠帝封長沙王子吳淺為侯國王莽之便屏
也縣界有溫泉水在柳縣之西北左右有田數十
畝資之以溉常以十二月下種明年三月穀熟度
此水冷不能生苗溫水所溉年可三登其餘波散
流入于耒水也
又西北過耒陽縣之東

美陽舊縣也蓋因水以制名王莽更名南平亭東
傍美水水東肥南有郾故城縣有漢水東出侯計
山其水清澈冬溫夏冷西流謂之肥川川之北石
盧塘塘地小頃其深不測有大魚常至五月輒一
奮躍水湧數丈波襄四陸細魚奔迸隨水登岸不
可勝計又云大魚時欲鼓作諸魚皆浮聚水側往
大西北逢蔡州州西即蔡倫故宅傍有蔡子池倫漢
黃門郎順帝之世禱故魚網為紙用代簡素自其
始也
又北過郾縣東蒲水出東曰蒲水水以爲酒
縣有鄆湖湖中有洲洲上民居彼入資以給釀酒

甚醇美謂之鄆酒歲常貢之湖邊尚有鄆縣故治
此西北去臨承縣一十五里從者隸十三州志曰
大別水南出美陽縣太山北至鄆縣入湖也
北入于湘水
美水西北至臨承縣而右注湘水謂之美口也
沫水出葦陵縣上鄉西北過其縣西
水出江州安城郡廣興縣大評山西北流逢葦陵
縣之南漢武帝元朔四年封長沙定王子即侯訢
之邑也王莽更名聲鄉矣沫水又屈而過其縣西
北流注也地理志謂之泥水者也
又西北過攸縣南

攸水出東南安城郡安復縣封侯山西北流迤其
縣北縣北帶攸溪蓋即溪以名縣也漢武帝元朔
四年封長沙定王子則為攸與侯即地理志所謂
攸縣者也攸水又西南流入茶陵縣入于沫水也
又西北過陰山縣南與縣北猶有湯山故即城長沙孝
王子宗之邑也言其勢王故壅山堙谷改曰冰山
縣上縣有容水自侯曇山下注沫水謂之容口沫
水又西北迤其縣東又西迤歷口縣有應水水有
大穴容一百石出於此水因以名曰容水下注沫
謂之歷口沫水又西北與洋湖水會水出縣西北

西樂菽置下洋湖湖去置七里湖水下注沫謂之洋
湖口沫水東北有菽山縣東北又有武陽之龍尾
山並仙者羽化之處上有仙人及龍馬蹟於其處
西得遺跡雖神栖白雲屬想芳流藉念泉鄉選咏在
茲覽其餘誦依然息遠匪直逸想霞踪處其文咏
可念故端蹟抽札以詮其咏其畧曰登武湯觀樂
菽岷嶺千筵洋湖口舍飛騰駕白駒臨天水心知
躡千載後不知如蓋勝賞神卿秀情超拔笑
又西北入于湘水又西北入于湘水
澧水出醴陵縣東澧山西過其縣南
醴陵縣高后四年封長沙相侯起為國縣南臨涿

水水東出安城鄉翁陵山余謂淶源聲相近後入
淶藉便以淶為稱雖翁陵名異而即麓是全帝元初
屈從縣西西北流至流浦注入于湘即地理志所謂
瀏水出臨湘縣東南瀏陽縣西北過其縣東北與滂
溪水合瀏水出縣東江州豫章縣首裨山導源西北流迤
瀏水出縣東江州豫章縣首裨山導源西北流迤
其縣南縣憑溪以即名也又西北注于臨湘縣也
西入于湘澗水出豫章艾縣艾縣在豫章
春秋左氏傳曰吳公子慶忌諫夫差不納居手艾
是也王莽更名治翰山翰山在東山
西過長沙羅縣西羅縣在長沙

羅子自枝江徙此世謂之為羅侯澗水又西流積
而為彼謂之町湖也

又西累石山入于湘水

累石山在北亦謂之五木山山方尖如五木狀故
俗人藉以名之山在羅口北澗水又在羅水南流
注于湘謂之東町口者也

贛水出豫章南野縣西北過贛縣東

山海經曰贛水出聶都山東北流注于江入彭澤
西也班固稱南野縣彭水所發東入湖漢中庾仲
初謂大庾嶠水北入豫章注于江者地理志曰豫
章水出贛縣西南而北入江蓋控引衆流摠成一

川雖稱謂有殊言歸一水矣故後漢郡國志曰贛
有豫章水雷次宗云似因此水為其地名雖十川
均流而汝源最遠故獨受名焉劉澄之曰縣東南
有章水西有貢水西是為謬也縣治二水之間二
水合贛字因以名縣焉劉氏專以字說水而不知
遠失其水實矣豫章水導源東北流迳南野縣北
贛水石咀水急行堆傾波委注六十餘里迳贛縣
東縣即南康郡治晉太康五年分庐江立豫章水石
會湖漢水水出雩都縣導源西北流迳金雞石其
石孤竦臨川蒼老云時見金鷄出於石上故石取
名焉湖漢水又西北迳贛縣東西入豫章水也

又西北過廬陵縣西

廬陵縣即王莽之桓亭也十三州志曰桓亭水西
出長沙安復縣武帝元光六年封長沙定王子劉
蒼為侯國即王莽之用也吳宝鼎中立以為安城
郡東至庐陵入湖漢水也

又東北過石陽縣西

漢和帝永平九年分廬陵平漢獻帝初平二年吳
長沙桓王立庐陵郡治此豫章水又迳其郡南城
中有井其水色半清半黃黃者如灰汁取作飲粥
悉皆金色而其芬香

又東北過漢平縣又東北過新淦縣西

牽水西水宜春縣漢武帝元光六年封長沙定王子劉拾為侯國王莽之循曉也牽水又東迳吳平縣舊漢平也晉太康元年改為吳平矣牽水又東迳新淦縣即王莽之偶亭而注于豫章水明漢及贛並通稱也又淦水出其縣下注于贛水

又北過南昌縣西

肝水出南昌縣而北流迳南昌縣南西注贛水又有濁水注之水出康樂縣縣故陽樂也濁水又東迳望蔡縣縣因汝南上蔡民莽居此土晉太康元年改為望蔡縣濁水又東迳建城縣漢武帝元光四年封長沙定王子劉拾為侯國王莽更之名曰

多聚也縣出然石異物志曰石色黃白而理疎以水灌之便熱以鼎著其上炊足以熟置之則冷灌之則熱如炊無窮元康中雷孔章入洛賣石以示張公張公曰此謂然石於是乃知其名濁水又東至南昌縣東流入于贛水贛水又歷白社西有徐孺子墓吳嘉禾中太守長沙徐熙於墓隧種松太守南陽謝景於墓側立碑永安中太守梁即夏侯嵩於碑傍立思賢亭松大合抱亭世脩治至今謂之聘君亭也贛水又北歷南塘塘之東有孺子宅際湖南小州上孺子名治稚南昌人高尚不仕太尉黃瓊辟不就桓帝問尚書令陳蕃徐稚袁宏誰

為先後蕃谷稱袁生公族不棲自彫至於徐稚傑
出薄城故宜為先桓帝備禮徵之不至太原郭林
宗有母憂稚往吊之置生藟於廬前而去衆不知
其故林宗曰必孺子也詩云生藟一束其人如玉
吾無德以堪之年七十二卒贛水又逕谷鹿洲舊
作大処贛水又北逕南昌縣城西於春秋屬楚即
令尹于蕩師子豫章者也秦以為廬江南部漢高
祖六年始命灌嬰以為豫章郡治此即灌嬰所築
也王莽更名縣曰宜善郡曰九江焉列歆云湖漢
等九水入彭蠡故言九江矣陳蕃為太守署徐稚
為功曹蕃在郡不接賓客唯稚來特設一榻去則

懸之此即懸榻處也建安中更名西安晉又名為
豫章城之南門曰松楊門門內有樟樹高七丈五
尺大二十五圍按葉扶疏垂蔭敷畝應劭漢宮儀
曰豫章郡封生庭中故以名郡矣此林膏中枯逮
晉永嘉中一旦更茂豐蔚如初咸以中宗之祥也
礼斗威儀曰君政評公平豫章常為主太興中元皇
果興大業於南故郭景純南郊賦云弊樟擢秀於
祖邑是也以宣王祖為豫章故也贛水北出際西
北庶度支步晉度支校尉立府處步即水之渚也
贛水又逕郡北為津步步有故守賈萌與安侯張
普爭地為晉所害即曰靈見津渚故民為立廟焉

水之西岸有盤石謂之石頭津步之處也西行二
十里曰散原山壘障四周者邃有趣晉淞安末沙
門竺曇頭建精舍於山南僧徒自遠而至者相繼
焉西北五六里有洪井飛流懸注其深無底舊說
鴻崖先生之井也北五六里有風雨池言山高瀨
激激著樹^木而霏散遠洒若雨西有鳶罝洪崖
先生乘鸞所憩泊也罝西有鵠嶺云王子喬控鶴
所逕過也有二崖號曰小蕭言蕭史所遊萃處也
雷次宗云此乃繫風捕影之論也實本所未辯聊
記竒聞以廣井魚之听矣又案謝莊詩莊常遊豫
章觀井賦詩言鳶罝四周有水謂之鳶波似非虛

論矣東大湖十里二百二十六步北與城齊南緣
迴折至南塘本通大江增減與江水同漢永元中
太守張躬築塘以通南路無遏此水冬夏不增減
水至清深魚甚肥美每於夏月江水溢塘而過屋
民多被水害至宋景平元年太守蔡君西起堤開
塘為水門水盛則閉之內多則洩之自是民居少
患矣贛水又東北逕王步步側有城云是孫奮為
齊王鎮而城之渚今謂之王步蓋齊王之渚步也
即東南二十餘里又有一城號曰齊王城築道相
通蓋其離宮也贛水又北逕南昌左尉廡西漢帝
時九江梅福為南昌尉居此後福一旦捨妻子去

九江傳云得仙贛水又北迆龍沙西沙甚潔白高峻而施有龍形連亘五里中舊俗九月九日昇高處也時有人於此沙得故冢刻塼題云西去江七里半筮言其吉卜言其水而今此冢垂沒于水所謂筮短龜長也贛水又迆郴丘城下建安四年孫策所築也贛水又廕釣圻即閣下度支按尉治太尉陶侃移置此也舊夏月即閣前洲沒去浦遠景平元年按尉豫章因運出之力於渚次聚石為洲長六十餘丈洲裏可容數十舫贛水又北迆鄡陽縣王莽豫章縣也餘水注之水東出余汗縣王莽名之曰治干也餘水北至鄡陽縣注贛水贛水又

與鄡水合水出鄡陽縣東西迆其縣南武陽鄉也地有黃金可採王莽改白鄉亭孫權以建安十五年分為鄡陽即水又西流注于贛水又有僚水入焉其水導源建昌縣漢元帝永光二年分海昏立僚水東迆新吳縣漢中平中立僚水又謂海昏縣王莽更名宜生謂之上僚水又謂之海昏江分為二水縣東洋上有亭為濟渡之要其水東北迆昌邑而東出豫章大江謂之曰慨昔漢昌邑王之封海昏也每乘流東望輒憤慨而還世因名焉其一水枝分別注入于循水也

又北過彭澤縣西

循水出艾縣而東北逕豫章寧縣故西安也晉太
康元年更從今名循水又逕東北逕永循縣漢靈
帝中平二年立循水又更北注贛水其水總納十
川同湊一瀆俱注于彭蠡也
北入于江
大江南贛水總納洪流東西四十里而清潭遠漲
綠波凝淨而會注于江川
廬江水出三天子都北過彭澤縣西北入于江
山海經三天子都一日天子鄩王彪之廬山賦叙曰
廬山彭澤之山也雖非五岳之數穹隆嵯峨實峻極
之名山也孫放廬山賦曰尋陽郡南有廬山九江

之鎮也臨彭蠡之澤接手故之原山圖曰山四方
周四百餘里疊鄩之岩萬仞懷靈抱異苞諸仙迹
豫章舊志曰廬俗字名孝本姓匡父東野王共鄩
陽令吳芮佐漢定天下而亡漢封俗於鄩陽曰越
廬君俗凡弟七人皆好道術遂寓精於洞庭之山
故世謂之廬山漢武帝南巡觀山以為神靈封俗
大明公遠法師廬山記曰殷周之際匡俗先生矣
道仙人共遊此山時人謂其所止為神仙之廬因
以名山矣又按周景式曰廬山匡俗字子孝本東
里子出周武王時生而神靈屢遊徵聘廬於此山
時人敬事之俗後仙化空廬尚存弟子觀室悲哀

哭之旦暮同鳥號世稱廬君故山取號為斯乃傳
之談非實證也故豫章記以廬為姓因廬以氏周
氏遠師或託廬慕為薛假憑廬以託稱二證既違
三情牙真按山海經創志大禹記錄遠矣故海內
東經曰廬山出三天子都入江彭澤西是曰廬江
之名山水相依牙舉殊稱明不因匡俗始正是好
事君子強引此類用成章句耳又按張華博物志
曹著傳其神自云姓徐受封廬山後吳猛經過山
神迎猛猛語曰君王此山近六百年符命已盡不
宜久居非挺猛又贈詩云仰瞻列仙館俯察王神
宅曠載暢幽懷傾蓋付三益此乃神通之事亦有

換轉理難詳矣吳猛隱山得通者也尋陽記曰廬
山上有三石梁長數十丈廣不盈赤者然無底吳
猛將弟子登山過此梁見一翁坐桂樹下以玉盃
承甘露漿與猛又至一處見教人為猛設玉膏猛
弟子竊一室欲以來示世人梁即化為指猛使送
寶還手牽弟子令閉眼相引而過其山川明淨昏
澤清廣氣爽節和土沃民逸嘉遁之士繼响穿岩
龍潛鳳來之賢往者忘歸矣秦始皇漢武帝及太
史公司馬遷咸昇其窳望九江而眺鍾彭為廬山
之比有石門水水出領嶺端有双石高竦其狀若
門因有石門之目焉水導雙石之中懸流飛樹近

三百許步下散漫十數步上望之連天若曳飛練
於宵中矣下有盤石可坐數十人冠軍將軍劉敬
宣每登陟焉其水歷澗迤龍泉精舍南太元中沙
門釋惠遠所建也其水下入江南嶺即彭蠡澤西
天子鄣也峯磴險峻人蹟罕及嶺南有大通順山
而下有君畫焉傳云匡先生所通至江通岩上有
宮殿故基者三以次而上最上者極於山脊山下
又有神廟號曰宮亭廟故彭湖亦有宮亭之稱焉
余按爾雅云大山曰宮宮之為名蓋起於此下必
一由三宮也山廟甚神能分風擘流住舟遣使行
旅之人過必致祀而後得去故曹毗咏云分風為

二擘流為兩昔吳郡太守張公直自守徵還道由
廬山子女觀祠婢指女戲妃像人其妻夜夢致媿
怖而遽發明引中流而船不行合舡驕俱曰愛一
女而合門受禍也公直不忍遂令妻下女於江其
妻布席水上以其亡兄女代之而舡得進公直方
知兄女怒妻曰吾何面於當世也復下己女於水
中將度遙見二女於岸側傍有一吏立曰吾廬君
主簿敬君之義悉還二女故于室書之於感應焉
山東有石鏡照水之所出有一圓石懸崖明淨照
見人形晨光初曜則延曜入石豪細必察故名石
鏡焉又有二泉常懸注若白雲帶山廬山記曰白

水在黃龍南即瀑布也水出山腹桂流三四百丈飛
湍林表望若懸素注如急巨井其深不測其水下入
江淵廬山之南有上宵石高壁緬然與宵漢連接秦
始皇三十六年歿斯岳遠記遂為上宵為上宵之南大
禹刻石誌其丈尺里數今猶得刻石之號焉湖中有落
星石周迴百餘步高五丈上生竹木傳云有星墜此
因以名焉又有孤石介立大湖中周迴一里踈立百丈
矗然高峻特為壞異上生林木而飛禽罕集言其上有
玉膏可採所未詳也考曰云昔禹治洪水至此刻石紀
功或言秦始皇所勒然歲月已久莫能辨之也

水經卷第三十九

水經卷第四十

桑欽撰

酈道元注

漸江水

斤江水

漸江水出三天子都

山海經謂之浙江也地理志云水出丹陽黟縣南
壘中北達其縣南有博山山上有石特起十丈上
峯若劍抄時有靈鼓潛發正長臨縣以山鼓為候
一鳴宮長一年若長雷發聲則宮長不吉浙江又
北歷黟山縣居山之陽故縣氏之漢成帝鴻嘉二
年以為廣德國封孫雲客主於此晉太康中以為
廣德縣分隸宣城郡會稽陳業潔身清行遁蹟此

山浙江又北迤歙縣東與一小溪合水出縣東北
翁山西迤故城南又西南入浙江又東迤遂安縣
南溪廣二百步上立抗以相通水甚清深潭又掩
鱗故名新安分歙縣立之晉太康中又改從今古
浙江又左合絕溪溪水出始新縣西東迤縣故城
南為東西長溪溪有二十七瀨瀾流瀾急奔波皓
天孫權使賀齊討黥歙山賊賊因黥之林厯山山
甚峻絕又工禁五立齊以鐵杙琢山升出不意人
以白楫擊之氣禁不行遂用竒功平賊於是立始
新都尉於歙之華鄉令齊守之後移出新亭晉太
康元年改曰新安即溪水東注浙江浙江又東北

迤建德縣南縣北有烏山山下有廟而在縣東七
里廟渚有大石高十丈五十圍水瀨濬激而能致
雲雨浙江又東迤壽昌縣南自建德至此八十里
中有十二瀨瀨皆峻嶮行旅所難縣南有孝子夏
先墓先少表二親負土成墳數年不勝哀卒浙江
又北迤新成縣桐溪注之水出吳興郡於潛縣北
天目山山極高峻崖嶺珠疊西臨後澗山上有霜
木皆是數百年樹謂之翔鳳林東面有瀑布下注
數畝深沼名曰蛟龍池池水南流迤縣西為縣之
西溪溪水又東南與紫溪合水出縣西百丈山即
潛山也山水東南流名為紫溪中通挾水有紫色盤

石石長百餘丈望之如朝霞又名此水為赤瀨蓋以倒影在水故也紫溪又東南流迤白山之陰山甚峻極北臨紫溪又東南連山抹水兩岸時交反項對石往往相捍十餘里中積石磊砢相挾而上澗下白沙細石狀若霜雪水木相映泉石爭暉名曰樓林紫溪東南流迤桐廬縣東為桐溪孫權籍溪之名以為縣目割富春之地立桐廬縣自縣至于潛凡有十六瀨茅二是嚴陵瀨瀨帶山山下有石室漢光武帝時嚴子陵之所居也故山及瀨皆即人姓名之山下有盤石周迴十數丈交枕潭際蓋度所游也桐廬溪又東北迤新成縣入浙江縣

故富春也孫權省并桐廬咸和元年復立為縣浙江又東北入富陽縣故富春也晉后名春改曰富陽也東分為湖浦浙江又東北迤富春縣南縣故王莽之誅歲也江南有山孫武皇之先所葬也漢末墓上有光如雲氣屬天黃武四年孫權以富春為東安郡分置諸縣以討士宗浙江又東北迤亭山西山上有孫權父冢

北過餘杭東入于海浙江迤縣左合餘于大溪江北即臨安縣界水北對郭文宅宅傍傍山面溪宅東有郭文墓晉建武元年驃騎王導迎文置之西園文遂北而終臨安今

改遷之建安十六年縣民卽雅亂貨齊討之孫權
分餘杭立臨水縣晉故曰臨安縣因開為城南門
尤高謝安蒞卽遊縣造此門以為誰為亭長浙江
又東造餘杭故縣南新縣北秦始皇南遊會稽造
出是地因立為縣王莽之晉睦也漢末陳渾移築
南城縣後溪南大塘卽渾丘以防水也縣南有三
碑是顧颺范甯等碑縣南有大壁山郭文自陸渾
遷居也浙江又東造烏傷縣北王莽改曰烏孝卽
國志謂之烏傷異苑曰東陽顏烏以淳孝著聞後
有羣烏銜鼓集顏烏所居之村烏口皆傷一境以
為顏烏至孝故致茲為欲令孝聲遠聞又名其縣

曰烏傷矣浙江又東北流至錢塘縣穀水入焉水
源西出太末縣縣是越之西部姑蔑之地也秦以
為縣王莽之末理也吳宝鼎中分會稽隸東陽郡
穀水東造獨松故冢下冢為水毀其塼文筮言吉
龜言凶百年墮水中今則同龜繇矣穀水又東造
長山縣南與永康水合縣而東陽郡治也縣漢獻
帝分烏傷立卽吳寶鼎中分會稽置城居山之陽
或謂之長仙縣也言赤松採藥此山因而居之故
以為名後傳呼乖謬字亦因改溪水南出永康縣
縣赤烏中分烏傷上浦立剡敬村異苑曰孫權時
永康縣有人入山遇一大龜卽束之以歸龜便言

曰游不量時為君所得擔者怪戴出欲上吳王夜
宿越里籠船於大柟樹霄中樹忽呼龜曰元緒奚
事爾也龜曰行不擇日今方見烹雖尽南山之焦
不能漬我樹曰諸葛元遊識性淵長必致相困今
求如我之徒計將安泊龜曰子明無多諱旣至建
業權將煮之燒柴萬車語尤如故諸葛恪曰然以
老桑乃熟獻人仍說龜言權使伐桑取煮之即爛
故野人呼龜曰元緒其水飛湍北注至縣南門入
穀水穀水又東定陽溪水注之上承信安縣之蘇
姥布縣本新安縣晉武帝太康三年故曰信安之
懸百余丈瀨勢飛注狀如瀑布瀨邊有如石砵砵

工有石膝長三尺許有似雜珠玷也東陽記云信
安縣有縣室坂晉中朝時有民王質代木至石室
中見童子四人彈棊而歌質因留倚柯听之童子
以一物如棗核與質含之便不復飢俄頃而童子
曰其歸承聲而去斧柯漼然爛盡旣歸質去家已
數十年親情凋落無復向時比矣其水分納衆流
混波東逝迤定陽縣夾岸緣溪悉生支竹及芳枳
木連雜以霜菊金燈白沙細石狀若凝雪石溜湍
波浮亦取名為溪水又連迤長山縣北北對高山
立溪响無輟山水之趣尤深人情縣溪獻帝分信安
山下水際是赤松羽化之處也炎帝少女追之亦

俱仙矣後人立廟於山下溪水又東入于穀水又東
迤烏傷縣之雲黃山山下臨溪水水際石壁際立
高一百許丈又與吳寧溪水合水出吳寧縣下迤
烏傷縣入穀謂之烏傷溪水閭中有徐登者女子
化為丈夫與東陽趙晒並善越方時遭兵亂相遇
於溪各示所能登先禁溪水為不流晒次禁枯柳
柳為生策二人相示而笑登年長晒師事之後登
身故晒東入章安百姓未知晒乃升菴屋梧鼎而
爨主人驚怪晒笑而不應屋亦不損又嘗臨水求
渡船人不許晒乃張蓋坐中長嗚呼風亂流而濟
於是百姓神服從者如歸章安令惡而殺之民立

祠於永寧而蚊蚋不能入晒東道懷術而不能全
身避害事同萇弘字元之龜厄運之來故難求矣
穀水又東入錢塘縣而左入浙江故地理志曰穀
水自太末東北至錢塘入浙江是也浙江又東迤
靈隱山山在四山之中有高崖洞穴左右有石室
三所又有孤石壁立大三十圍其上開散狀似蓮
卷昔有道士獨往不歸或因以稽留為山號山下
有錢塘故縣浙江迤其南王莽更名之曰泉亭地
理志曰會稽西部都尉治錢塘記曰防海大塘在
縣東一里符即讓曹華信家議立此塘以防海水
始開募有能致一斛土者即與錢一千旬月之間

來者雲集塘未成而不復取於是載土石者皆弁
而去塘以之成故改名錢塘焉縣南江側有明聖
湖父老傳言湖有金牛古見之神化不測湖取名
焉縣有武林山武林水所出也關駟云山在錢水
東入海吳地記言縣唯浙江今無此水縣東有定
己諸山皆西臨浙江水流於兩山之間江川急濬
兼濤水晝夜再來來應時刻常以月晦及望尤大
至二月八月最高嵯峨二丈有餘吳越春秋以為
子胥文種之神也昔子胥死於吳而浮屍於江吳
人矜之立祠於江上名曰胥山吳錄曰胥山在太
湖邊去江不百里故曰江上文種城於越而伏劍

於山陰越人哀之遂於重山文種既一年子胥從
海上負種俱去游夫江江海故潮水之前揚波者伍子
胥後重水者大夫種是以枚乘曰濤無記焉然海
水上潮江水逆流似神而非於是處焉秦始皇三十
七年將遊會稽至錢塘浙江所不能渡故道餘杭
之西津也浙江北合詔息湖湖本名作湖因秦始皇
是狩所憇故有詔息之之名也浙江又東合臨平
湖異苑曰晉武時吳郡臨平岸崩出一石鼓打之無
聲以問張華華云可取蜀中桐材刻作魚形扣之則
鳴矣於是如言聲聞數十里劉道民詩曰事有遠
而合蜀桐鳴吳石傳言此湖草穢壅塞天下亂是

湖開天下平孫皓天璽元年吳郡上言臨平湖自漢末穢塞今更開通又於湖邊得石函函中有小石青白色長四寸廣二寸余刻作皇帝字於是改天冊為天璽元年孫盛以為元臯中興之符徵五湖之名瑞也錢塘記曰桓玄之難湖水色赤熒熒如丹湖水通浦湯江下注浙江名曰東江行旅所從以出浙江也又達會稽山陰縣有苦竹里有舊城言勾踐封范蠡子之邑也浙江又東與蘭溪合湖南有天柱山湖口有亭號曰蘭亭亦曰蘭上里太守王羲之謝安兄弟敦往造焉吳郡太守謝勗封蘭亭侯蓋取此亭以為封號也太守王虞之移亭在水中晉

司空何無忌之臨郡也起亭於山榭極高尽眺矣亭宇雖壞基陛尚存浙江又達越王允常冢北冢在木客村者諺云勾踐使工人伐柴楫欲以獻吳久不得歸工人憂思作木客吟後人因以名地勾踐都琅邪欲移允常冢冢中生分風飛沙射人人不得近勾踐謂不欲遂止浙江又東北得長湖口湖廣五里東西百三十里沿湖開水門六十九所下溉田萬頃北馮長江湖南有覆斗山周五里百北連鼓吹山山西枕長謨谿水下注長湖山之西嶺有負臺越入吳還而成之故號曰負臺吳又有秦皇山在州城正南為衆帝之傑涉境便見史記

云秦始皇登之以望南海自平地以取山頂七里
懸磴孤危峭路險絕記云板蘿捫葛然後能升山
上無高木當由地迥多風所致山南有嵯峴峴東
有大城越王無餘之舊都也故吳越春秋云勾踐
語范蠡曰先君無餘國在南山之陽社稷宗廟在
湖之南又有會稽之山古防山也亦謂之烏茆山
又曰棟山越絕云棟猶鎮也蓋周禮所謂揚州之
鎮也山形四方上多金玉下多珉石山海經曰夕
水出焉南流注于湖吳越春秋稱山覆釜之中有
金簡玉字之書黃帝之遺誠也山下有禹廟廟有
聖姑像祀樂緯云禹治水旱天賜神女聖姑即其

像也山上有禹冢昔大禹即位十年東巡狩崩于
會稽因而葬之言鳥為之眩春按按草根秋啄其
穢是以縣官禁民不得妄害此鳥犯則刑無赦山
東有劓去亩七里深不見底謂之禹井云東游者
多探其穴也秦始皇登稽山刻石紀功尚存山側
孫暢之述征書云丞相李斯所篆也又有石山石
形似上有金簡玉字之書言夏禹發之得百川理
也又有射的山遠望山的狀若射侯故謂射的射
的之西有石室名之為射壺年登否常占射的以
為貴賤之准的明則米賤的闇則米貴故諺云射
的白斛米百射的玄斛米千北則石岘山山東北有射

石高二十餘丈廣八丈望之如帆因以為名北臨大湖
水深不測傳與海通何次道作邸常於此水中得烏
賊魚南對精庐上葺脩木下瞰寒泉西連稽山皆一
山也東帶若耶溪吳越春秋所謂歐冶鑄以成五
劍溪水上承照峴麻溪矣之下孤潭周敷泓甚清
深有孤石臨潭乘崖俯視猿狖驚心寒木被潭森
沉駭觀上有一櫟樹謝靈運與徒弟惠連常游之
作連句題刻封側麻潭下注若邪溪水至清照衆
山倒影窺之若登漢世刊寵作邸有政績將解任
去治此溪父老人持百錢出送寵各受一文然山
栖適逸之士谷隱不羈之民有通則見物以感遠

為貴荷泉致意故處者以一錢為祿豈藉費也義
重故耳溪水下注大湖邪溪之東又有寒溪溪之
北有鄭公泉泉方數丈冬溫夏涼漢太尉鄭弘宿
居潭側因以名泉弘少以苦節自居恒躬采伐用
質粮膳每出入豁津常感神風送之雖憑舟自運
無杖檝之勞村人貪藉昏勢常依隨往还有淹留
者徒輩相謂汝不欲及鄭風邪其感致如此湖水
自東亦注江通海水側有白鹿山山北湖塘上舊
有亭吳黃門即楊哀明居于弘訓里太守張景敷
往造為使開瀆作埭埭之西作亭亭埭皆以揚為
名孫息作賊從海來揚亭被燒後脩復立殿名猶

在東有銅牛山山有銅穴三十許丈穴中有大樹
神苗山上有冶官山北湖下有練塘里吳越春秋
云句踐練冶銅錫之處採炭於南山故其間有炭
瀆句踐臣吳王封句踐於越百里之地東至炭瀆
是也縣南九里有侯山山孤立長湖中晉車騎將
軍孔敬康少時遁世栖迹此山湖北有三小山謂
之鹿野山在縣南六里按吳越春秋越之麋苑也
山有石室言越王所游息處矣縣湖北有陳音山
楚之善射者曰陳音越王問以射道又善其說乃
使簡士習射北郊之外按吳越春秋音死葬於國
西山上今陳音山乃在國南五里湖北有射堂及

諸郎舍連衍相屬又於湖中築塘直指南山北即
大越之國秦改為山陰縣會稽郡治也太史公曰禹
會諸侯計於此命曰會稽者會計也始以山名因為
地號夏后少康封少子杼以奉禹祠為越世歷殷
周至于允常列于春秋允常卒句踐稱王都於會
稽吳越春秋所謂越王都埤中在諸暨北界山陰
康樂里有地名邑中者是越事吳故北其門以東為
右西為左故雙闕在北門外闕北百步有雷門門
樓兩層句踐所造時有越之舊木矣州郡館宇屋之
大瓦亦多是越時故物句踐霸世徙都琅耶後為楚
伐始還浙東城東郭外有靈沉下水甚深舊傳下

有地道通於震澤又有句踐所立宗廟在城東明里
中甘滂南又有玉筍竹林雲門天柱精舍並竦山創基
架林裁宇割澗涎流泉石之好水流逕通浙江又北
迤山陰縣西西門外百餘步有怪山本瑯琊郡之東武
縣山也飛來從此壓穀數百家吳越春秋稱怪山
者東武海中山也一名自來山百姓恠之號曰怪山
亦云越王無彊為楚所伐去瑯琊止東武人隨居山
下遠望此山其形似龜故亦有龜山之稱也越起
靈臺於山上又作三層樓以望雲物川土明秀亦為
勝地故王逸少云從山陰上通尤如鏡中行也浙江
之上又有大吳王小吳山村並是闔閭夫差伐越所

舍處也今悉民居然猶存故曰昔越王為吳所敗
以五千餘衆栖於稽山卑身待士施及下呂氏
春秋曰越王之栖於會稽也有酒投江民飲其流
而戰氣自信所投即浙江也許慎晉灼並言江水
至山陰為浙江江之西岸有朱室鳩句踐百里之
封西至朱室為此也浙江又東北迤重山西大夫
文種之所莖也山上有白樓亭亭本山下縣令殷
餽移置今處沛國桓儼避地會稽聞陳業履行高
潔往候不見儼後浮海南入交州臨去遺書與業
不因行李繫白樓亭柱而去升涉遠望山湖滿目
也永建中陽羨周嘉上書以縣遠赴會至難求得

分置遂以浙江西為吳以東為會稽漢高帝十二年亦吳也後分為三世號三吳吳郡會稽其一為浙江又東迤禦兒鄉萬善厯曰吳策武六年正月獲彭綺是歲由拳西鄉有產兒隨便能語云瓦明河欲清脚折金乃生是因詔為語兒鄉非也禦兒之名遠也蓋無智之徒而因藉地名生情穿妄耳國語曰句踐之地北至禦兒是也安得引黃武証地哉常昭曰越北鄙在嘉興浙江又東迤柴辟南舊吳越之戰地矣倫侯於此故謂之辟塞是以越絕稱吳故後由拳辟塞渡會夷湊山陰是也浙江又迤固陵城北昔范蠡築城於浙江之濱言

可以固守謂之固陵今之西陵也浙江又東迤祖塘謂之祖瀆昔太守王朗拒孫策數戰不利孫靜果說策曰朗負阻守雖可卒後祖瀆去此數十里是道要也若從此出攻其無備破之必也策從之破朗於固陵有西陵湖亦為之西城湖湖西有湖城山東有夏架山湖水上承妖臯溪而下注浙江又迤永興縣南縣在會稽東北一百二十里也闔閭第夫槩之故邑也王莽之餘衍也漢末童謠云天子當興東南三餘之間故孫權改曰元興縣濱浙江又東合浦湯江江水之導源烏傷縣又東迤諸暨縣與洩溪合溪廣教丈中道有兩高山夾溪

造雲壁立凡有三洩洩懸三十餘丈廣十丈中二洩不可得至登山遠望乃得見之下洩懸百餘丈水勢高急聲震水外上洩懸二百餘丈望若雲垂此是瀑布土人號為洩也江水又東迤諸暨縣南縣臨對江流江南有射堂縣北帶烏山故越地也夫槩王之故邑先名上諸暨亦曰句無矣故國語曰句踐之地南至句無王莽之疎虜也夾水多浦浦中有大湖春夏多水秋冬涸淺江水又東南迤剡縣與白石山水會山上有瀑布懸水三十丈下注浦陽江浦陽江水又東流南屈又東迴北轉迤剡縣東王莽之盡忠也縣開東門向江江廣二百

餘步自昔耆舊傳縣不得開南門開南門則有賊盜江水翼縣轉注故有東渡西渡焉東南二渡通臨海至凡單舩為浮航西渡通東陽併二十五舩為橋航江邊有查浦浦東行二百餘里與句章接界浦裏有六里有五百家並夾浦居列門向水甚有良田有清溪餘洪溪大發溪小發溪江上有溪六溪列旣散入江夾溪上下崩崖若傾東有葦山南有黃山與白石山三為縣之秀峯山下衆流前導湍石激波浮嶮四注浦陽江又東迤石橋廣八丈高四丈下有石井口徑七尺橋上有方石長七尺廣一丈二尺橋頭有盤石可容二十人坐溪水

雨傍恁高山山有石壁二十許丈溪中相攻貝顛響
外發未至橋教里便聞其聲江水北連崦山山下
有亭亭帶山臨江松嶺森蔚沙濃平淨浦湯江又
東北迤始寧縣崦山之成工嶠嶠壁立臨江款路
峻狹不得併行行者牽木稍進不敢俯視巖西有
山孤峯特上飛禽罕至嘗有採藥者泐山見通蹊
尋上於山頂樹下有十二方石地甚方潔還復更
尋遂迷前路言諸仙之所集讌故以壇讌名山嶠
北有崦浦浦口有廟而甚靈驗行人及樵伐者皆
先敬焉君相尋竊必為蛇虎所傷比則崦山與崦
山接二山雖曰異縣而峯嶺相連其間傾澗懷烟

泉溪引霧吹陸風馨觸岫延賞是以王元琳謂之
神明境事備謝康樂山居記浦湯江自崦山東北
迤太康湖車騎將軍謝玄田居所所在右濱長江左
傍連山平度脩通澄湖遠鏡於江曲起樓樓側恁
是桐梓森聳可愛民居號為桐亭樓樓兩面臨江
盡升眺之趣蘆人漁子沉監滿焉湖中築路東出
趣山路甚平直山中有三精舍高甍凌厓垂簷帶
空俯眺平烟香在下水陸寧晏足為遊地之卿矣
江有琵琶圻圻有古冢隨水甍有隱起字云筮吉
龜凶八百年落江中謝靈運取甍詣京咸傳親為
乃如龜繇故知冢已八百年矣浦湯江又東北迤

始寧縣西本上虞之南鄉也漢順帝永建四年陽
羨周嘉上書始分之舊治水西常有波湖之患晉
中興之初治今處縣下有小江源出岬山謂之岬
浦迤縣下西流注于浦湯菴山下注此浦浦西通
山陰浦而達于江江廣一百狹處二百步高山帶
江重蔭被水江闊魚商川交樵隱故桂棹蘭棧望
景爭途江南有故城太尉劉牢之討孫恩之築也
江水東迤上虞縣南至王莽之會稽也本司鹽都
尉治也地名虞賓晉太康地記曰舜避丹朱於此
故以名縣百官從之故縣北有百官橋亦云禹與
諸侯會事訖因相虞樂故曰上虞二說不同未詳

孰是縣南有蘭風山山少木多石駟路帶山傍江
路邊皆作欄年山有三嶺枕帶長江茗茗孤危望
之若傾緣山之路下臨大川皆作飛閣欄千乘之
而渡謂以三嶺為三石頭丹陽葛洪遁世居之基
并存焉琅耶王方平性好山水又爰宅蘭風垂釣
於此以詠終朝行者過之不識問曰賣漁師得魚
賣不方年吞曰釣亦不得復不賣亦謂是水為
上虞江縣之東郭外有漁浦湖中有大獨小獨二
山又有覆舟山覆舟山下有漁浦王廟廟今移入
裏山此三山孤立水中湖外有青山黃山澤蘭山
重岫疊嶺參差入雲澤蘭山頭有深潭山影臨水

水色清綠山中有諸塢有石捷所石臨白馬潭潭之深無底傳云創湖之始邊塘屢崩百姓以白馬祭之因以名水湖之南即江津也江南有上塘湯中三里隔在湖南常有水患太守孔靈符過峽山前湖以為球球下開瀆直指南津又作水捷二所以舍北江得無淹漬之害縣東有龍頭山山崖之間有石井冬夏常冽清泉南帶長江東連上波江之道南有曹娥碑娥父盱迎濤溺死娥時年十四哀父尸不測乃號踴江介因解衣投水呪曰若值父屍衣當沉若不值衣當浮載落便沉娥遂於沉處赴水而死縣令度尚使外甥邯鄲子礼為碑文以

彰孝烈江濱有烏目山洪濤一上波隱是山勢淪嵒亭間歷教縣行者雜之縣東北上亦有孝子揚母墓威少失父事母至孝嘗與母入山採柰而為虎所逼自計不能禦於是抱母且號且行虎見其情遂弭耳而去自非誠貫精微孰能理感英英猷矣又有吳瀆破山導源注於昏江上虞江東迤周市而注永興地理志曰縣有仇亭柯水東入海仇亭在縣之東北一十里江北柯水疑即江也又東北迤永興東與浙江合謂之浦陽江地理志又云縣有蕭山浦水所出東入海又疑是浦陽江之別名也自外無水以應之浙江又東注于海故山海

經曰浙江在其東在閩西北入海常昭以松江浙
江浦陽江為三江
介南水出交趾龍編縣東北至鬱林領方縣東注二鬱
地理志云逢臨塵縣至領方縣注于鬱
容容夜納湛乘牛須無無濡營進皇無地零侵黎
侵離水出廣州番禺郡以太康中分鬱林置得
至臨塵入鬱
無會重瀨夫省無變由蒲王都融勇外此皆出曰南
即西東東入于海容容水在南岳名之以次轉北也
右三十水從江已南至日南郡也
嵩高為中岳在潁川陽城縣西北春秋說題辭曰

陰含陽故石凝為山國語曰禹卦九山山土之聚
也爾雅曰山大而高曰崧合而言之為崧高分而
名之為二室西南有少室東北為大室嵩高山記
曰山下岩中有一石室云有自然經書自然飲食
又云山有王女臺言漢武帝見因以名臺
泰山為東岳在太山博縣西北

王岱宗也王者封禪於其山示增高也有金榮玉檢
之事焉
霍山為南嶽在廬江灑縣西南

天柱山也爾雅云大山宮小山為霍開山圖曰其
山上侵神氣下固窟泉

華山為西嶽在弘農華陰縣西南

古文之敷物山也

雷首山在河東蒲坂縣東南

砥柱山在河東大陽縣東河中

王屋山在河東垣曲縣東北也

昔黃帝受丹訣於是山也

太行山在河內野王縣西北

王烈得石髓處也

恒山為北嶽在中山上曲陽縣西北碣石山在途西

臨渝縣南水中也

大禹鑿其石石夾而納河秦始皇漢武帝皆嘗登

都之海水西侵歲月逾甚而苞其山故言水中矣

析城山在河東濩澤縣西南

太嶽山在河東永安縣

壺中山在河東北屈縣東

南龍門山在河東皮氏縣西

梁山在馮翊夏陽縣西北河上

荆山在馮翊懷德縣南

岐山在扶風美陽縣西北

關山在扶風汧縣之西也

隴山終南山敷物山在扶風武功縣南西也

須山在隴西臨洮縣西南

黃禹貢中條山也

嶠冢山在隴西氐道縣之南

南條山也

鳥鼠同穴山在隴西首陽縣西南

鄭玄曰鳥鼠之山有鳥焉與鼠飛行而處之又有

止而同穴之山為是二山也鳥名為餘似鷄而黃

黑色鼠如家鼠而短尾穿地而共處鼠內而鳥外

蓋孔安國曰共為雌雄杜彥達曰同穴止宿養子牙

相哺食長大乃止張晏言不為相牡牡故因以名山

積石在隴西河關縣西南

山海經云山在鄧林東河所入也

都野澤在武威縣東北

縣在姑臧城北三百里東北即休屠澤也古文以

為猪野也其水上承姑臧武始澤澤水二源東北

流為一水姑臧縣故城西東北流水側有灵淵池

王隱晉書曰漢末博士敦煌侯瑾善內學語弟子

曰涼州城西泉水當濁有靈閣其工至魏嘉平中

武威太守條茂起學舍築閣於此泉太守填水造

起門樓與李閼相望泉渟徙斧重導於斯故有靈

淵之名也澤水又東北流達馬城東城即休屠縣

之故城也本匈奴休屠王都謂之馬城河又東北

與橫水合水出始藏城下武威郡涼州治地理屈

俗記曰漢武帝元朔三年改雍曰涼州以其金行
土地寒涼故也迁于冀晉徙治此王隱晉書曰涼
州有龍形故曰卧龍城南北七里東西三里本匈
奴所築也及張氏之世居也又增築四城箱各千
步東城殖園果舍曰講武場北城而殖園果舍曰
玄武圃皆有宮殿中城內作四時宮隨節游幸并
舊城為五街衢相通二十二門大譙宮殿觀閣綺莊
飾擬中夏也其水側城北流注馬城河河水又東
北清澗水入焉俗亦謂之為五澗水也水出姑臧
城東而西北流注馬城河河水又與長泉水合水
出姑臧東揖次縣王莽之播德也西北歷黃沙阜

三而西北流注馬城河又東北迤宣威縣故城南又
東北迤平澤晏然二亭東又東北迤武威縣故城
東漢武帝太初四年匈奴昆邪王殺休屠王以其
衆置武威縣武威即王莽更名張掖地理志曰谷
水出姑臧南山北至武威入海而此水流兩分一
水北入休屠澤俗謂之為西海一水又東迤一百
五十里入猪野世謂之東海通謂之都野矣
合離山在酒泉會水縣東北
合黎山也
流沙地在張掖居延縣東北
居延澤在其縣故城東尚書所謂流沙者也形如

月生五日也弱水入流沙流沙與水流行也亦言
出鍾山西行極崦嵫之山在西海即北山有石赤
白色以兩石相打則水潤水之下已潤盡則火出
山石皆然炎起數丈連日不滅有大黑風自流沙
出奄之乃滅其石如初言動火之事發疾經年故
不敢輕近耳流沙又連浮渚歷疑市之國又連于
鳥山之東朝雲國西歷崦山西南出于通瀛之山
大荒西經云西南海之外流沙出焉夏后開之
東門上賓于天得九辯與九歌焉又歷負丘不死
之西入于南海
三危山在激皇縣南

山海經曰三危之山三青鳥居之是山也廣員百
里在鳥鼠山西即尚書所謂竄三苗于三危也春
秋傳曰允姓之姦居于瓜州瓜州地名也杜林曰
敦煌古瓜州也州之貢物出好瓜民因氏之瓜州
之戎并於月氏者也漢武帝後元分酒泉置南七
里有鳴沙山故亦曰沙州也

朱圉山在天水北冀縣南

即冀縣山有石鼓開山圖謂之天鼓山九州害起
則鳴有常應又云石鼓山有石鼓於星為河鼓星
動則石鼓鳴石鼓鳴則秦土有殃鳴淺殃万物鳴
深則殃君王矣

岷山在蜀郡湔氐道西

漢書以為瀆山者也

播冢山在弘農盧氏縣南

是山也穀水出其北林也

荆山在南郡臨沮縣東北

東條山也卞和得玉璞於是山楚王不理懷璧哭

於其下後王人理之所謂和氏之玉焉

内方山在江夏竟陵縣東北

禹貢立章山也

大別山在庐江安豐縣西南外方山崧高是也

桐栢山在南陽平氏縣東南

信尾山在江夏安陸縣東北

衡山在長沙湘南縣南

禹治洪水血爲祭衡山於是得金簡玉之字書按

齊省玉字得通水理也

九江地在長沙下雋縣西北雲夢澤在南郡華容縣

之東東陵地在廬江金蘭縣西北敷淺原地在豫章

歷陵縣西南彭蠡澤在豫章彭澤北

尚書所謂彭蠡既潒湯烏攸居也

中江在丹陽無湖縣南東至會稽湯羨縣入于海震

澤在吳縣南五十里北江在毘陵北界東入于海

峰湯山在下邳縣之西

羽山在東海祝其縣南也

縣即王莽之猶亭也尚書殪鯀於羽山謂是山

中西有禹淵禹父之所化其神為黃龍以入淵矣故

山海經曰洪水滔天鯀竊帝之息壤以堙水不待

帝命帝令祝融殺鯀羽郊者也

陶丘在濟陰定陶縣之西南

陶丘丘再成也

荷澤在定陶縣東雷澤在濟陰成陽縣西北荷水在

山陽湖陸縣南蒙山在大山蒙陰縣西南大野澤在

山陽鉅野縣東北大坵地在河南城阜縣北

爾雅曰山二成謂之坵然則其坵山名非地之名也

明都澤在果郡睢陽縣東北益州沱水在蜀郡汶江

縣西南其一在邛縣西南皆還入江荊州沱水在南

即按江縣三澁地之南在邛縣之北

尚書曰導漢水過三澁地說曰沔水東行過三澁

合流觸大別山波故馬融鄭玄王肅孔安國等咸

以為三澁水名也許慎言澁者婢增水邊土人所

止也按春秋左傳曰文公十有六年楚軍次于句

澁以伐諸庸宣公四年楚令尹子越師于漳澁定

公四年左司馬成敗吳師于雍澁昭公二十三年司

馬遠越澁於遂澁服虔或謂之邑又謂之地京相

璠曰杜豫亦云水濟及邊地名也今南陽消陽二

縣之間涓水之有南極北溼矣而諸儒之論水陸
栢丰又無山源出處之所津途関路唯鄭玄及列
澄之言在竟度縣界經云邛縣北地然池流多矣
而論者疑焉而不能辯其在所也
右禹貢山水澤地所在凡六十百六十年
水經卷卷四十